

摘藻堂四庫全書薈要

集部

欽定四庫全書薈要

集部

御選古文淵鑒卷十九

欽定四庫全書薈要

御選古文淵鑒卷十九目錄

漢



班固

文帝紀贊

武帝紀贊

昭帝紀贊

成帝紀贊

諸侯王表序

高惠高后文帝功臣表序

外戚恩澤侯表序

公孫弘卜式兒寬傳贊

司馬遷傳贊

公孫賀劉屈氂車千秋王訢楊敞蔡義陳萬年鄭

弘等傳贊

循吏傳序

貨殖傳序

游俠傳序

西域傳贊

崔駰

誠實憲書

樊準

勸興儒學疏

陳忠

論喪服疏

容諫疏

言中使疏

翟醜

諫外戚疏

虞詡

請復三郡疏

左雄

上順帝陳吏事疏

郎顗

上災異封事

御選古文淵鑒卷十九目錄

欽定四庫全書薈要卷一萬七千一百七十二

集部

御選古文淵鑒卷十九

內閣學士兼禮部侍郎教習庶吉士臣徐乾學等奉

旨編注

漢

班固

字孟堅彪之子九歲能屬文誦詩賦及長博貫載籍九流百家之言無不窮究以父彪所

續前史未詳乃探撰前記綴集所聞以為漢書學著莫不諷誦焉初除蘭臺令史遷為郎坐實

憲賓客收繫死獄中

文帝紀贊

贊總二百餘字而文帝恭儉寬仁治功約略已盡固洵良史哉

晦庵朱熹曰三代以下文帝可謂恭儉之主

潛室陳埴曰文帝天資粹美却

孝文皇帝即位二十三年宮室苑囿車騎服御無所增益有不便輒弛以利民弛廢弛。式爾反。嘗欲作露臺召匠計之直百金上曰百金中人十家之產也吾奉先帝宮室常恐羞之何以臺為身衣弋絺弋黑色也。絺厚。贈○大奚反。所幸慎夫人衣不曳地帷帳無文繡以示敦樸為天下先治霸陵皆瓦器不得以金銀銅錫為飾因其山不起墳南越尉佗自立為帝召貴佗兄弟以德懷之佗遂稱臣與匈

能轉得黃老不
好處景帝天資
刻忍却將黃老
好處轉作不好
處

歷敘武帝專經好
古制度禮文之事
彬彬可觀夫結處
義正辭勁可謂高

奴結和親後而背約入盜令邊備守不發兵深入恐煩
百姓吳王詐病不朝賜以几杖羣臣袁盎等諫說雖切
常假借納用焉張武等受賄金錢覺更加賞賜以媿其
心專務以德化民是以海內殷富興於禮義斷獄數百
幾致刑措嗚呼仁哉

武帝紀贊

漢承百王之弊高祖撥亂反正文景務在養民至於稽
古禮文之事猶多闕焉孝武初立卓然罷黜百家
謂諸

晦菴朱熹曰武帝病痛固多然天資高志向大足以有為使合下便得真儒輔佐豈不大有可觀惜無真儒輔佐不能勝其多欲之私做從那邊去了

論事措意極其整暇有春容大雅之

子雜說違背六經

表章六經遂壽咨海內舉其俊茂

壽誰也咨謀也言謀

於衆人誰可為事者也

與之立功興太學修郊祀改正朔定歷數

正之

協音律作詩樂建封禪

禮禪同

禮百神紹周後號令

文章煥焉可述後嗣得遵洪業而有三代之風如武帝

之雄材大畧不改文景之恭儉以濟斯民雖詩書所稱

何有加焉

昭帝紀贊

昔周成以孺子繼統而有管蔡四國流言之變孝昭幼

敘述所聞用筆輕
雋在論贊中又是

年即位亦有燕蓋上官逆亂之謀成王不疑周公孝昭
委任霍光各因其時以成名大矣哉承孝武奢侈餘敝
師旅之後海內虛耗戶口減半光知時務之要輕繇薄
賦與民休息繇讀曰徭至始元元鳳之間匈奴和親百姓充
實舉賢良文學問民所疾苦議鹽鐵而罷榷酤尋號曰
昭不亦宜乎

成帝紀贊

臣之姑充後宮為婕妤

班彪之
姑也

父子昆弟侍帷幄數為

臣言成帝善修容儀升車正立不內顧不疾言不親指
臨朝淵嘿尊嚴若神可謂穆穆天子之容者矣博覽古
今容受直辭公卿稱職奏議可述遭世承平上下和睦
然湛於酒色湛讀曰耽趙氏亂內外家擅朝言之可為於邑
於邑短氣貌建始以來王氏始執國命哀平短祚莽遂
○於音烏篡位蓋其威福所由來者漸矣

諸侯王表序

昔周監於二代三聖制法

三聖謂文王武王及周公也

立爵五等封

援引周秦論列漢世或詳或畧極錯

綜變化之致纒纒
千言讀之唯恐其
盡

水心崇適曰諸
侯王表言諸呂
時賴諸侯強而
存王莽時以諸

國八百同姓五十有餘周公康叔建於魯衛各數百里

太公於齊亦五侯九伯之地

五侯五等諸侯也九伯九州之伯也

詩載其

訓曰介人維蕃大師維垣大邦維屏大宗維翰懷德維

寧宗子維城毋俾城壞毋獨斯畏

大雅板之詩

所以親親賢

賢褒表功德關諸盛衰深根固本為不可拔者也故盛

則周邵相其治致刑錯衰則五伯扶其弱與共守自幽

平之後日以陵夷至虜阮隘河洛之間

阮者狹也隘者迫強

秦東有韓魏數見侵暴踣蹶
不安也○阮於懈反隘音區

分為二周

謂東西二周也

有逃責

侯弱而亡此點
合論事形是而

實非也如意鶴

死肥幾不脫死

友飢死建死不

嗣皆高帝親子

何足賴也古人

親賢並建所以

為民也夫輔一

灾自為久存之

計此後人以私

意疑之也秦雖

廢其法漢雖慕

其名存亡之實

蓋不在此不考

德而任私後世

之臺被竊鈇之言

周赧王負責無以歸之主迫責急乃逃於此臺後人因以名之洛陽南宮

謬臺是也周室衰微政令不行於天下雖有鈇鉞無然所用之是謂私竊隱藏之耳○被皮義反謬音移

天下謂之共主

雖至微弱猶共以為之主彊大弗之敢傾言諸侯雖強大者不

敢傾滅周也

歷載八百餘年數極德盡既於王赧既亦降為

庶人用天年終號位已絕於天下尚猶枝葉相持莫得

居其虛位海內無主三十餘年秦據執勝之地騁狙詐

之兵蠶食山東壹切取勝因矜其所習自任私知姍笑

三代盪滅古法

姍古訕字音刪

竊自號為皇帝而子弟為匹

之論大抵皆是矣

荆川唐順之曰
此等文字只是
敘事而略帶議
論

臣熙曰大意本
史記漢興以來

夫內亡骨肉本根之輔外亡尺土藩翼之衛陳吳奮其
白挺劉項隨而斃之故曰周過其歷秦不及期國執然
也應劭曰武王克商卜世三十卜年七百今乃漢興之
三十六世八百六十七歲此所謂過其歷也漢興之
初海內新定同姓寡少懲戒亡秦孤立之敗於是剖裂
疆土立二等之爵漢封功臣大者
王小者侯也功臣侯者百有餘邑
尊王子弟大啓九國自鴈門以東盡遼陽為燕代常山
以南太行左轉度河濟漸於海為齊趙穀泗以往奄有
龜蒙為梁楚東帶江湖薄會稽為荆吳北界淮潁略廬

諸侯年表而更為腴暢觀周秦之得失可以知西漢之盛衰叙哀平間事尤極俯仰感慨之致

臣正治曰諸侯王強弱閭係漢室盛衰孟堅抑揚反覆娓娓言之與史遷功臣侯王年表並讀可以識一代之勢矣

衡為淮南波漢之陽亘九嶷為長沙

波讀如陂澤之陂

諸侯比

境周市三垂外接胡越

比謂相接次也三垂謂北東南也

天子自有三

河東郡潁川南陽

三河河東河南河內也

自江陵以西至巴蜀北

自雲中至隴西與京師內史凡十五郡公主列侯頗邑

其中而藩國大者夸州兼郡連城數十宮室百官同制

京師可謂矯枉過其正矣

矯與矯同言矯秦孤立之敗而大封子弟過於強盛有失

中雖然高祖創業日不暇給孝惠享國又淺高后女主

攝位而海內晏如亡狂狡之憂卒折諸呂之難成太宗

之業者亦賴之於諸侯也然諸侯原本以大末流濫以

致溢小者淫荒越法大者睽孤橫逆以害身喪國

睽孤非刺

之意故文帝采賈生之議分齊趙景帝用鼂錯之計削吳

楚武帝施主父之冊下推恩之令使諸侯王得分戶邑

以封子弟不行黜陟而藩國自析自此以來齊分為七

謂齊城陽濟北濟南淄川膠西膠東

謂趙平原真定中山廣川河間

趙分為六

謂梁平原真定中山廣川河間

梁分為五

謂梁濟川濟東

淮南分為三

謂淮南衛山廬江

皇子始立者大國

東山陽濟陰

不過十餘城長沙燕代雖有舊名皆亡南北邊矣景遭

七國之難抑損諸侯減黜其官武有衡山淮南之謀作

左官之律

仕於諸侯為左官絕不得使仕於王朝也人道上右今舍天子而仕諸侯故謂之左官也

設附益之法

附益之法禁其背正法而厚於私家也

諸侯惟得衣食稅租

不與政事至於哀平之際皆繼體苗裔親屬疎遠生於

帷牆之中不為士民所尊執與富室亡異而本朝短世

國統三絕

謂成哀平皆早崩又無繼嗣

是故王莽知漢中外殫微本

末俱弱亡所忌憚生其姦心因母后之權假伊周之稱

顓作威福廟堂之上不降階序而運天下詐謀既成遂

於論議中引用前人撰著以成文史漢中多有此體

據南面之尊分遣五威之吏馳傳天下班行符命漢諸侯王厥角顴首顴與稽同奉上璽韞惟恐在後或廼稱美頌德以求容媚豈不哀哉是以究其終始彊弱之變明監戒焉

高惠高后文帝功臣表序

自古帝王之興曷嘗不建輔弼之臣所與共成天功者乎漢興自秦二世元年之秋楚陳之歲謂陳涉自稱楚王時也初以沛公總帥雄俊三年然後西滅秦立漢王之號五年

東克項羽即皇帝位八載而天下迺平始論功而定封

訖十二年侯者百四十有三人時大城名都民人散亡

戶口可得而數裁什二三是以大侯不過萬家小者五

六百戶封爵之誓曰使黃河如帶泰山若厲國以永存

爰及苗裔

帶衣帶也厲砥厲石也河當何時如衣帶山當何時如厲石言如帶厲國猶永存以及後

世之子孫也

於是申以丹書之信重以白馬之盟

謂刑白馬軟其血以

為盟也

又作十八侯之位次

謂蕭何曹參張敖周勃樊噲酈商奚涓夏侯嬰灌嬰傅寬

靳歙王陵陳武王吸薛歐周昌丁復蟲達也

高后二年復詔丞相陳平盡差

臣德宜曰漢封諸侯百四十有三其待功臣亦不薄而百年間無復遺者患生於驕逸也故衆建而少其力賞生之論善矣

列侯之功錄第下竟臧諸宗廟副在有司

副貳之本始入在有司始

未嘗不欲固根本而枝葉稍落也故逮文景四五世間流民既歸戶口亦息列侯大者至三四萬戶小國自倍富厚如之子孫驕逸忘其先祖之艱難多陷法禁隕命亡國或云子孫訖於孝武後元之間靡有子遺耗矣

俗語

謂無為耗耗音毛

罔亦少密焉故孝宣皇帝愍而錄之乃開廟

臧覽舊籍詔令有司求其子孫咸出庸保之中竝受復除或加以金帛用彰中興之德降及孝成復加卹問稍

益衰微不絕如綫善乎杜業之納說也曰昔唐以萬國

致時雍之政虞夏以之多羣后饗共已之治同共恭湯法

三聖殷氏太平三聖謂堯舜禹也周封八百重譯來賀是以內

恕之君樂繼絕世隆名之主安立亡國以立亡國之至後為安泰也

於不及下車德念深矣謂武王入殷未及下車封黃帝之後于薊虞舜之後于陳也

成王察牧野之克顧羣后之勤知其恩結於民心功光

於王府也故追述先父之志錄遺老之策高其位大其

寓寓謂啓土所居也愛敬飭盡命賜備厚大孝之隆於是為至

至其沒也世主嘆其功無民而不思所息之樹且猶不

伐况其廟乎是以燕齊之祀與周並傳子繼弟及歷載

不墮豈無刑辟繇祖之竭力故支庶賴焉

言國家非無刑辟而功臣

子孫得不陷罪辜者思其先人之力令有續嗣也

迹漢功臣亦皆割符世爵受

山河之誓存以著其號亡以顯其魂賞亦不細矣百餘

年間而襲封者盡或絕失姓或乏無主朽骨孤於墓苗

裔流於道生為愍隸死為轉屍

愍隸言為徒隸可哀愍也死不能葬故屍流轉

在溝壑之中

以往况今甚可悲傷聖朝憐閔詔求其後四方

忻忻靡不歸心出入數年而不省察恐議者不思大義

設言虛亡則厚德掩息遴東布章

遴讀與吝同難行也東古簡字少也言今

難行封則得繼絕者少若然必布聞彰於天下也

非所以視化勸後也三人為

衆雖難盡繼宜從尤功於是成帝復紹蕭何哀平之世
增修曹參周勃之屬得其宜矣以綴續前記究其本末
并序位次盡於孝文以昭元功之侯籍云

外戚恩澤侯表序

自古受命及中興之君必興滅繼絕修廢舉逸然後天

建宮惟賢位事惟
能副通侯之爵乎

此序逐段用意特
見文心

鹿門茅坤曰此
文調方而整頗
開東漢以後門
戶矣

下歸仁四方之政行焉傳稱武王克殷追存賢聖至乎
不及下車世代雖殊其揆一也高帝撥亂誅暴庶事草
創日不暇給然猶修祀六國求聘四皓過魏則寵無忌
之墓適趙則封樂毅之後及其行賞而授位也爵以功
為先後官用能為次序後嗣共已遵業舊臣繼踵居位
至乎孝武元功宿將略盡會上亦興文學進拔幽隱公
孫弘自海濱而登宰相於是寵以列侯之爵又疇咨前
代詢問耆老初得周後復加爵邑自是之後宰相畢侯

臣廷敬曰非劉氏不王非軍功不侯此漢制也國有峻防其如自毀之何王陵亞天真社稷臣矣

矣元成之間晚得殷世以備賓位漢興外戚與定天下

侯者二人

呂后兄周呂侯澤建成侯釋之

故誓曰非劉氏不王若有亡

功非上所置而侯者天下共誅之是以高后欲王諸呂

王陵廷爭孝景將侯王氏脩侯犯色

脩侯周亞夫也○脩音條

卒用

廢黜是後薄昭竇嬰上官衛霍之侯以功受爵其餘后

父據春秋褒紀之義

春秋天子將納后於紀紀本子爵也故先褒為侯言王者不取於小

國帝舅緣大雅申伯之意

申伯周宣王元舅也為邑於謝後世欲光寵外親者緣申

伯之恩援此義以為喻也

寢廣博矣是以別而敘之

筆力矯健論次凡
數十人絕不覺其
煩重

公孫弘卜式兒寬傳贊

公孫弘卜式兒寬皆以鴻漸之翼困於燕爵

易漸卦上九爻辭曰

鴻漸于陸其羽可用為儀喻弘等皆有鴻之羽儀未進之時燕爵所輕也

遠迹羊豕之間竄

其迹非遇其時焉能致此位乎是時漢興六十餘載海

內艾安

艾讀曰又

府庫充實而四夷未賓制度多闕上方欲

用文武求之如弗及始以蒲輪迎枚生見主父而歎息

謂言公皆安在何相見之晚

羣士慕嚮異人並出卜式拔於芻牧弘

羊擢於賈豎衛青奮於奴僕日磬出於降虜斯亦曩時

白水劉子翬曰
武帝時異人並
出吏臣方之版
築飯牛斯言過

版築飯牛之朋已

版築傳說也飯牛甯戚也

漢之得人於茲為盛儒

矣弘寬之儒推
專事阿諛湯禹
之定令多務嚴
急延年倡優善

雅則公孫弘董仲舒兒寬篤行則石建石慶質直則汲

歌乃許之協律

弘羊剝民聚歛

黯卜式推賢則韓安國鄭當時定令則趙禹張湯文章

乃許之運籌至

如助蹇之徒皆

則司馬遷相如滑稽則東方朔枚臯

滑稽轉利之稱也滑稽也稽礙也言

啟倡邊事在唐

虞三代不免故

其變亂無

應對則嚴助朱買臣歷數則唐都洛下閎協

流誅殛者也尚

何才之足云惟

汲黯蘇武一時

傑出而武帝踈

衛青霍去病受遺則霍光金日磾其餘不可勝紀是以

遠之肆其私心

禍流四海則以

興造功業制度遺文後世莫及孝宣承統纂修洪業亦

朝無人也史臣
之言過矣

講論六藝招選茂異而蕭望之梁丘賀夏侯勝韋玄成
嚴彭祖尹更始以儒術進劉向王褒以文章顯將相則
張安世趙充國魏相丙吉于定國杜延年治民則黃霸
王成龔遂鄭弘召信臣名讀韓延壽尹翁歸趙廣漢嚴
延年張敞之屬皆有功迹見述於世參其名臣亦其次
也

司馬遷傳贊

自古書契之作而有史官其載籍博矣至孔氏纂之纂
與

立論雖假史遷文
之抑揚盡致猶大

臣鴻緒曰文人相識自古已然明哲保身何班生之卒陷史議也

撰同 上繼唐堯下訖秦繆唐虞以前雖有遺文其語不經故言黃帝顓頊之事未可明也及孔子因魯史記而作春秋而左丘明論輯其本事以為之傳又纂異同為國語又有世本錄黃帝以來至春秋時帝王公侯卿大夫祖世所出春秋之後七國並爭秦兼諸侯有戰國策漢興伐秦定天下有楚漢春秋故司馬遷據左氏國語采世本戰國策述楚漢春秋接其後事訖於天漢其言秦漢詳矣至於采經撫傳撫拾也○分散數家之事甚多之亦反

臣乾學曰遷論
事指歸甚正若
孔子無封爵而
列之世家序戰
國諸子而統之
以孟子荀卿又
採魯論為七十
子立傳若老子
則斥之同於申
韓而別序傳經
諸家曰儒林千
載論定究不能
出此矣

疏略或有抵牾

抵觸也牾讀曰迄
相支柱不安也

亦其涉獵者廣博貫

穿經傳馳騁古今上下數千載間斯以勤矣又其是非
頗繆於聖人論大道則先黃老而後六經序遊俠則退
處士而進姦雄述貨殖則崇執利而羞賤貧此其所蔽
也然自劉向揚雄博極羣書皆稱遷有良史之材服其
善序事理辨而不華質而不俚其文直其事核不虛美
不隱惡故謂之實錄烏呼以遷之博物洽聞而不能以
知自全既陷極刑幽而發憤書亦信矣

言其報任安迹
書自陳已志

其所以自傷悼小雅巷伯之倫

巷伯奄官也遇讒而作詩

夫唯大雅

既明且哲能保其身難矣哉

大雅蒸民之詩

公孫賀劉屈氂車千秋王訢楊敞蔡義陳萬年

鄭弘等傳贊

綱紀處如閑雲卷舒自成變態

所謂鹽鐵議者起始元中徵文學賢良問以治亂皆對
願罷郡國鹽鐵酒權均輸務本抑末毋與天下爭利然
後教化可興御史大夫弘羊以為此乃所以安邊竟制
四夷國家大業不可廢也當時相詰難頗有其議文至

臣英曰以賢良
文學相形立論
意在責桑弘羊
之言利田千秋
之括囊也

宣帝時汝南桓寬次公

次公寬之字

治公羊春秋舉為郎至

廬江太守丞博通善屬文推衍鹽鐵之議增廣條目極

其論難著數萬言亦欲以究治亂成一家之法焉其辭

曰觀公卿賢良文學之議異乎吾所聞聞汝南朱生言

當此之時英俊並進賢良茂陵唐生文學魯國萬生之

徒六十有餘人咸聚闕庭舒六藝之風陳治平之原知

者贊其慮仁者明其施勇者見其斷辯者騁其辭斷斷

焉行行焉

斷斷辯爭之貌行行剛彊之貌○斷牛斤反行胡浪反

雖未詳備斯可

略觀矣中山劉子推言王道橋當世反諸正

正曲曰橋

彬彬

然弘博君子也九江祝生奮史魚之節發憤懣譏公卿

介然直而不撓可謂不畏彊圉矣桑大夫據當世合時

變上權利之略雖非正法鉅儒宿學不能自解

解釋也言理不

出於弘羊也

博物通達之士也然攝公卿之柄不師古始放

於末利

放縱也謂縱心於利也

處非其位行非其道果隕其性以

及厥宗車丞相履伊呂之列當軸處中括囊不言容身

而去

括結也易坤卦六四爻辭曰括囊无咎無譽言自閑慎如囊之括結也

彼哉彼哉若

史必本經術以廣教化始能嘉惠元元登風俗於淳古此循吏之所以可貴也

夫丞相御史兩府之士不能正議以輔宰相成同類長同行阿意苟合以說其上斗筭之徒何足選也

循吏傳序

漢興之初反秦之敝與民休息凡事簡易禁罔疎濶而

相國蕭曹以寬厚清靜為天下帥

帥遵也

民作畫一之歌

民歌曰蕭何為法較若畫一曹參代之守而勿失

孝惠垂拱高后女主不出房

闥而天下晏然民務稼穡衣食滋殖至於文景遂移風

易俗是時循吏如河南守吳公蜀守文翁之屬皆謹身

鳳洲王世貞曰
讀漢宣帝紀稱

其綜核名實錯

用法理而趙京

兆廣漢以精銳

應之一時聲稱

赫赫冠天下然

不能深中帝心

而其所尊寵者

乃在龔渤海黃

穎川彼其敦本

節畷興教禮義

帥先居以廉平不至於嚴而民從化孝武之世外攘四

夷內改法度民用彫敝奸軌不禁

言不可禁

時少能以化治

稱者唯江都相董仲舒內史公孫弘兒寬居官可紀三

人皆儒者通於世務明習文法以經術潤飾吏事天子

器之仲舒數謝病去弘寬至三公孝昭幼冲霍光秉政

承奢侈師旅之後海內虛耗光因循守職無所改作至

於始元元鳳之間匈奴鄉化百姓益富舉賢良文學問

民所疾苦於是罷酒榷而議鹽鐵矣及至孝宣繇仄陋

意若欲緩收吏治之效而不盡用其才其民之應之顧不後於京兆而思以心報二公何也亦可以深長思矣

而登至尊興於閭閻知民事之艱難自霍光薨後始躬

萬幾厲精為治五日一聽事自丞相已下各奉職而進

及拜刺史守相輒親見問觀其所由退而考察所行以

質其言

質正也

有名實不相應必知其所以然常稱曰庶

民所以安其田里而亡嘆息愁恨之聲者政平訟理也

與我共此者其唯良二千石乎

謂郡守諸侯相

以為太守吏民

之本也數變易則下不安民知其將久不可欺罔迺服

從其教化故二千石有治理效輒以璽書勉厲增秩賜

金或爵至關內侯公卿缺則選諸所表以次用之

所表謂增

秩賜金爵也

是故漢世良吏於是為盛稱中興焉若趙廣漢

韓延壽尹翁歸嚴延年張敞之屬皆稱其位然任刑罰

或抵罪誅王成黃霸朱邑龔遂鄭弘召信臣等所居民

富所去見思生有榮號死見奉祀此廩廩庶幾德讓君

子之遺風矣

廩廩言有風采也

貨殖傳序

昔先王之制自天子公侯卿大夫士至於卑隸抱關擊

洞見本原語語鄭重有關世道昌黎

原道大意多出於此

枹者

卑養馬者也隸之言著也屬著於人也抱關守其門者也擊枹守夜擊木以警衆也○枹吐各反

爵祿奉養宮室車服棺槨祭祀死生之制各有差別小

不得僭大賤不得踰貴夫然故上下序而民志定於是

辨其土地川澤丘陵衍沃原隰之宜

衍謂地平延者也沃水之所灌沃也

廣平曰原下濕曰隰

教民樹種畜養五穀六畜及至魚鼈鳥獸藿

蒲材幹器械之資

藿荻也械者器之總名○藿音桓

所以養生送終之

具靡不皆育育之以時而用之有節草木未落斧斤不

入於山林豺獺未祭罝網不布於壑澤鷹隼未擊矰弋

守溪王整曰班氏貨殖游俠二傳議論純正

鹿門茅坤曰班
據傳化殖而推
本於國家之經
制所見出太史
公上一等矣

不施於溪隧

月令孟秋之月鷹乃祭鳥用始行戮
弋射也矰者弋之矢也溪隧徑道也既順

時而取物然猶山不𦍋藥澤不伐天

𦍋古槎字槎邪斫
木也藥髡斬之也

此天謂草木之方長未成者也○

蠃魚麋卵咸有常禁

槎上牙反藥五葛反天烏老反

蠃小蟲也麋鹿子也卵鳥卵也月令孟春之月
母殺孩蟲母麋母卵○蠃弋全反麋莫奚反

時宣氣蕃阜庶物穡足功用如此之備也

穡與蓄同然後四

民因其土宜各任智力夙興夜寐以治其業相與通功

易事交利而俱贍非有徵發期會而遠近咸足故易曰

后以財成輔相天地之宜以左右民備物致用立成器

以為天下利莫大乎聖人此之謂也管子曰古之四民
不得雜處士相與言仁誼於閒宴工相與議技巧於官
府商相與語財利於市井農相與謀稼穡於田壟朝夕
從事不見異物而遷焉故其父兄之教不肅而成子弟
之學不勞而能各安其居而樂其業甘其食而美其服
雖見奇麗紛華非其所習辟猶戎翟之與於越不相入
矣是以欲寡而事節財足而不爭於是在民上者道之
以德齊之以禮故民有恥而且敬貴誼而賤利此三代

之所以直道而行不嚴而治之大略也及周室衰禮法墮諸侯刻桷丹楹大夫山節藻梲八佾舞於庭雍徹於堂其流至於士庶人莫不離制而棄本稼穡之民少商旅之民多穀不足而貨有餘陵夷至於桓文之後禮誼大壞上下相冒國異政家殊俗者欲不制僭差亡極於是商通難得之貨工作亡用之器士設反道之行以追時好而取世資偽民背實而要名姦夫犯害而求利篡弑取國者為王公圍奪成家者為雄桀

圍謂禁守其人禮誼不

立言極其正大覺
史遷之艷稱駁而

足以拘君子刑戮不足以威小人富者本土被文繡犬

馬餘肉粟而貧者裋褐不完含菽飲水

裋布長襦也褐編象衣也含舍

同菽豆也

○裋音豎其為編戶齊民同列而以財力相君雖為僕

虜猶亡慍色故夫飾變詐為姦軌者自足乎一世之間
守道循理者不免於饑寒之患其教自上興由法度之
無限也故列其行事以傳世變云

游俠傳序

古者天子建國諸侯立家自卿大夫以至於庶人各有

不純矣

東發黃震曰此
傳議論極正大
可垂訓萬世

虎門半坤曰班

等差是以民服事其上而下無覬覦孔子曰天下有道
政不在大夫百官有司奉法承令以修所職失職有誅
侵官有罰夫然故上下相順而庶事理焉周室既微禮
樂征伐自諸侯出桓文之後大夫世權陪臣執命陵夷
至於戰國合從連衡力政爭彊由是列國公子魏有信
陵趙有平原齊有孟嘗楚有春申皆藉王公之執競為
游俠鷄鳴狗盜無不賓禮而趙相虞卿棄國捐君以周
窮交魏齊之厄信陵無忌竊符矯命戮將專師以赴平

國語太史公云
序游俠則退處
士而進奸雄故
其所指次諸游
俠處稍稍歸之
正

臣士奇曰四公
子後豪俠盛興
好事者以為美
談不知實關於
王者之近班氏
謂不入於通德
誠為至論

原之急皆以取重諸侯顯名天下搯擊而游談者以四

豪為稱首

搯捉持也擊古
腕字○搯音厄

於是背公死黨之議成守職

奉上之義廢矣及至漢興禁網疏濶未之匡改也是故

代相陳豨從車千乘而吳淠淮南皆招賓客以千數外

戚大臣魏其武安之屬競逐於京師布衣游俠劇孟郭

解之徒馳騫於閭閻權行州域力折公侯衆庶榮其名

迹覲而慕之雖其陷於刑辟自與殺身成名若季路仇

牧死而不悔也

與許也仇牧宋大夫也宋萬弑閔公仇
牧聞之趨而至手劒而叱之萬臂擊仇

牧碎首齒著於門闔言游俠之徒自許節操同於季路仇牧

故曾子曰上失其道民

散久矣非明王在上視之以好惡齊之以禮樂民曷由知禁而反正乎古之正法五伯三王之皐人也而六國五伯之皐人也夫四豪者又六國之皐人也況於郭解之倫以匹夫之細竊殺生之權其皐已不容於誅矣觀其溫良泛愛振窮周急謙退不伐亦皆有絕異之姿惜乎不入於道德苟放縱於末流殺身亡宗非不幸也自魏其武安淮南之後天子切齒衛霍改節然郡國豪桀

每段論叙中餘旋
一二語遂覺神采
飛動

處處各有京師親戚冠蓋相望亦古今常道莫足言者
唯成帝時外家王氏賓客為盛而樓護為帥及王莽時
諸公之間陳遵為雄閭里之俠原涉為魁

西域傳贊

孝武之世圖制匈奴患其兼從西國結黨南羌迺表河
曲列四郡開玉門通西域以斷匈奴右臂隔絕南羌月
氏單于失援由是遠遁而幕南無王庭遭值文景玄默
養民五世天下殷富財力有餘士馬彊盛故能睹犀布

臣杜訥曰述西方諸國勝然如聚米成圖班史縝密乃其所長

璫瑁則建珠崖七郡感枸醬竹杖則開牂柯越雋

枸音矩

聞天馬蒲陶則通大宛安息自是之後明珠文甲通犀

翠羽之珍盈於後宮蒲梢龍文魚目汗血之馬充於黃

門鉅象師子猛犬大雀之羣食於外園殊方異物四面

而至於廣開上林穿昆明池營千門萬戶之宮立神

明通天之臺興造甲乙之帳

其數非一以甲乙次第名之也

落以隨珠

和璧

落與絡同

天子負黼依襲翠被馮玉几而處其中設酒

池肉林以饗四夷之客作巴俞都盧海中磬極漫衍魚

龍角抵之戲以觀視之

巴巴州俞渝州也巴俞之人勁銳善舞都盧國名其人體輕善

緣者也碣極樂名漫衍者即張衡西京賦所云巨獸百尋是為漫衍者也魚龍者初為大魚後變成龍皆假作以為戲也角抵者及賂遺贈送萬里相奉師旅之費不兩兩相當角力也

可勝計至於用度不足廼權酒酤筦鹽鐵鑄白金造皮幣筭至車船租及六畜民力屈財用竭因之以凶年寇盜並起道路不通直指之使始出衣繡杖斧斷斬於郡國然後勝之是以末年遂棄輪臺之地而下哀痛之詔豈非仁聖之所悔哉且通西域近有龍堆遠則葱嶺身

熱頭痛縣度之阮淮南杜欽揚雄之論皆以為此天地所以界別區域絕外內也書曰西戎即序禹既就而序之非上威服致其貢物也西域諸國各有君長兵衆分弱無所統一雖屬匈奴不相親附匈奴能得其馬畜旃罽而不能統率與之進退與漢隔絕道里又遠得之不為益棄之不為損盛德在我無取於彼故自建武以來西域思漢威德咸樂內附唯其小邑鄯善車師界迫匈奴尚為所拘而其大國莎車于闐之屬數遣使置質於

漢願請屬都護聖上遠覽古今因時之宜羈縻不絕辭而未許雖大禹之序西戎周公之讓白雉太宗之卻走馬義兼之矣亦何以尚茲

崔駰

字亭伯涿郡安平人學有偉才與班固傳毅同時齊名辟竇憲府掾憲擅權驕恣駰數諫

不能容

棄官歸

誠竇憲書

駰聞交淺而言深者愚也在賤而望貴者惑也未信而納忠者謗也三者皆所不宜而或蹈之者思効其區區

忠告之意救迫於中故見之書續婉惻而周詳憲不知戒愚執甚焉

憤盈而不能已也竊見足下體淳淑之姿躬高明之量

意美志厲有上賢之風駟幸得充下館列後陳

陳列也

是

以竭其拳拳敢進一言傳曰生而富者驕生而貴者傲

生富貴而能不驕傲者未之有也今寵祿初隆百僚觀

行當堯舜之盛世處光華之顯時豈可不庶幾夙夜以

永終譽弘申伯之美致周邵之事乎語曰不患無位患

所以立昔馮野王以外戚居位稱為賢臣

馮野王字君卿妹為元帝

姬也然常考之田蚡之脇橫蓋僅而獲免而丁氏之禍亦見於

昭近陰衛尉克已復禮終受多福

陰衛尉光烈皇后同母弟興也

郗氏

身後其獲全而無患者平思邈成二家而已然則居戚里蒙上恩者其可不兢兢以自保乎

之宗非不尊也

史丹封鄴故云鄴氏丹祖父恭育女弟武帝時為衛太子良娣成帝即位擢丹

為長樂尉遷右將軍封武陽侯

陽侯之族非不盛也

侯當作平王鳳封陽平侯

重侯

累將建天樞執斗柄

王氏九侯五大司馬北斗七星第一一名天樞第五至第七為杓杓即

柄其所以獲譏於時垂愆於後者何也蓋在滿而不挹

位有餘而仁不足也漢興以後迄於哀平外家二十保

族全身四人而已

四人者哀帝母丁姬景帝王皇后宣帝許皇后王皇后其家族並全書

曰鑒于有殷可不慎哉竇氏之興肇自孝文二君以淳

淑守道成名先日

竇太后之弟長君少君退讓君子不敢以富貴驕人故云淳淑守道也

安豐以佐命著德顯自中興

實融封為安豐侯

內以忠誠自固

外以法度自守卒享祚國垂祉於今夫謙德之光周易
所美滿溢之位道家所戒故君子福大而愈懼爵隆而
益恭遠察近覽俯仰有則銘諸几杖刻諸盤杆矜矜業
業無怠無荒如此則百祿是荷慶流無窮矣

樊準

字幼陵南陽湖陽人和帝幸南陽準為郡功曹召見器之拜郎中終光祿勳

勸興儒學疏

時鄧太后臨朝儒學陵替準上疏太后深納其言是後屢舉方正數

樸仁賢

之士

儒學之興莫盛於
東漢至安帝時文
教寢衰流風偷薄
矣此可謂匡時之
論

臣熙曰叙明帝
與學麟麟炳炳
儼然辟雍鐘鼓
之風想見橋門

臣聞賈誼有言人君不可以不學故雖大舜聖德孳孳
為善成王賢主崇明師傅及光武皇帝受命中興羣雄
崩擾旌旗亂野東西誅戰不遑啓處然猶投戈講藝息
馬論道至孝明皇帝兼天地之資用日月之明庶政萬
幾無不簡心而垂情古典游意經藝每饗射禮畢正坐
自講諸儒並聽四方欣欣雖闕里之化矍相之事誠不
足言禮記孔子射於矍相之圃蓋觀者如堵墻又多徵名儒以充禮官如沛
國趙孝琅邪承宮等或安車結駟告歸鄉里或豐衣博

帶從見宗廟其餘以經術見優者布在廊廟故朝多皤

皤之良華首之老每譙會則論難行行共求政化詳覽

羣言響如振玉朝者進而思政罷者退而備問小大隨

化雍雍可嘉期門羽林介胄之士悉通孝經博士議郎

一人開門徒衆百數

開門謂開一家之說

化自聖躬流及蠻荒句

奴遣伊秩訾王大車且渠來入就學八方肅清上下無

事是以議者每稱盛時咸言永平今學者蓋少遠方尤

甚博士倚席不講儒者競論浮麗忘蹇蹇之忠習譏諫

之辭

○諛諛諛言也
○諛音踐

文吏則去法律而學詆欺

詆亦欺也

銳錐

刀之鋒斷刑辟之重德陋俗薄以致苛刻

左傳鄭人鑄刑書叔向使

貽子產書曰今子相鄭立謗政鑄刑書人知爭端矣將棄禮而徵於書錐刀之末將盡爭之鄭其敗乎註錐刀

喻小事也昔孝文竇后性好黃老而清靜之化流景武之間

臣愚以為宜下明詔博求幽隱發揚巖穴寵進儒雅有如孝宮者徵詣公車以俟聖上講習之期公卿各舉明經及舊儒子孫進其爵位使續其業復召郡國書佐使讀律令如此則延頸者日有所見傾耳者月有所聞伏

願陛下推述先帝進業之道

陳忠

字伯始沛國浚人司空寵之子論事切直終尚書令

論喪服疏

元初三年詔大臣得行三年喪服闋還職至元光中尚書令祝諷等奏以

為孝文皇帝定約禮之制光武皇帝絕告寧之典貽則萬世誠不可改宜復建武故事忠

上疏

云

典實不飾嚴懷之

色溢於簡冊

臣聞之孝經始於愛親終於哀戚上自天子下至庶人尊卑貴賤其義一也夫父母於子同氣異息一體而分三年乃免於懷抱先聖緣人情而著其節制服二十五

耕道尹起莘曰
安帝元初三年
初聽行三年喪
至是纔六年而
復禁之雖以陳
忠之切諫不能
奪官官之所不
欲人心之不肖
甚哉

月是以春秋臣有大喪君三年不呼其門閔子雖要經服事以赴公難退而致位以究私恩故稱君使之非也臣行之禮也自臣有大喪至此並公羊傳之文也閔子

軍役事了退家致位喪次極盡私恩

故君使之雖非臣從君命有禮也周室陵遲禮制不

序蓼莪之人作詩自傷曰瓶之罄矣惟壘之恥言已不

得終竟子道者亦上之恥也高祖受命蕭何創制大臣

有寧告之科合於致憂之義

寧告休謁之名吉日告凶曰寧論語吾聞夫子人未

有自致者也

必也親喪乎建武之初新承大亂凡諸國政多趣簡易

臣正治曰求忠臣於孝子之門則墨衰從吉自不可為訓伯始此疏有功名教非淺

大臣既不得告寧而羣司營祿念私鮮循三年之喪以

報顧復之恩者禮義之方實為凋損大漢之興雖承衰

敝而先王之制稍以施行故籍田之耕起於孝文

文帝二年

初開籍田

孝廉之貢發於孝武

武帝元光元年初令郡國舉孝廉

郊祀之禮

定於元成

元帝成帝時匡衡韋玄成定迭毀郊祀之禮

三雍之序備於顯宗

三雍明堂辟雍靈臺也雍和也

大臣終喪成於陛下

謂安帝詔大臣聖得行三年喪也

功美業靡以尚茲孟子有言老吾老以及人之老幼吾

幼以及人之幼天下可運於掌臣願陛下登高北望以

叙述古人雖爾繁
稱遠引然用意深
至彌覺欬曲

甘陵之思

甘陵安帝母陵

揆度臣子之心則海內咸得其所

入疏

官豎不便之竟寢忠奏而從諷等議遂著于令

容諫疏

時因災異詔舉有道公卿百僚各上封事忠以詔書既開諫爭慮言事者必多

激切或致不能容乃上疏豫通帝意

臣聞仁君廣山藪之大納切直之謀忠臣盡蹇諤之節
不畏逆耳之害是以高祖舍周昌桀紂之譬

昌入奏事高祖方擁

戚姬昌走出高祖逐得騎昌項曰朕何如主昌曰桀紂之主也上笑不之罪

孝文嘉袁盎人

豕之譏

文帝幸慎夫人盎曰陛下為慎夫人適所以禍之也獨不見人彘乎上悅

武帝納東

方朔宣室之正

武帝為董偃置酒宣室方朔曰夫宣室者先帝之正處非法度之正不得入上

善元帝容薛廣德自刎之切

元帝欲御樓船廣德請從橋曰陛下不聽臣請自刎

以血汚車輪上卒從橋

昔晉平公問於叔向曰國家之患孰為大

對曰大臣重祿不極諫小臣畏罪不敢言下情不上通

此患之大者公曰善於是下令曰吾欲進善有謁而不

通罪至死今明詔崇高宗之德

高宗殷王武丁也

推宋景之誠

宋景公熒感退舍事

引咎克躬諮訪羣吏言事者見杜根成翊世

等新蒙表錄顯列二臺

謂杜根為侍御史成翊世為尚書郎也

必承風響

臣德宜曰從諫如舜猶震驚乎讒說惟畢照其隱而能容之所以為濟哲也

古穆之氣橫直之辭

應爭為切直若嘉謀異策宜輒納用如其管穴妄有譏刺雖苦口逆耳不得事實且優游寬容以示聖朝無諱之美若有道之士對問高者宜垂省覽特遷一等以廣直言之路

言中使疏

安帝數遣黃門常侍及中使伯榮往來甘陵而伯榮負寵驕蹇所經郡國

莫不迎謁又霖雨積時河水湧溢百姓騷動忠上疏不省

臣聞位非其人則庶事不敘庶事不敘則政有得失政有得失則感動陰陽妖變為應陛下每引災自厚不責

臣司臣司狃恩莫以為負

狃習也言屢被恩貸不以災變為憂負也

故天心

未得隔并屢臻

隔并謂水旱不節也○并必姓反

青冀之域淫雨漏河

漏溢

徐岱之濱海水盆溢充豫蝗蝻滋生

蝻蝻子也

荆揚稻

也

收儉薄并涼二州羌戎叛戾加以百姓不足府帑虛匱

自西徂東杼柚將空臣聞洪範五事一曰貌貌以恭恭

作肅貌傷則狂而致常雨春秋大水皆為君上威儀不

穆臨蒞不嚴臣下輕慢貴倖擅權陰氣盛強陽不能禁

故為淫雨陛下以不得親奉孝德皇園廟

孝德皇安帝父清河王慶

也 比遣中使致敬甘陵朱軒駟馬相望道路可謂孝至

矣然臣竊聞使者所過威權翕赫震動郡縣王侯二千

石至為伯榮獨拜車下儀體上僭侔於人主

伯榮帝乳母王聖女

也 長吏惶怖譴責或邪諂自媚發人修道繕理亭傳多

設儲峙徵役無度

時具也

老弱相隨動有萬計賂遺僕從

人數百匹頓踣呼嗟莫不叩心河間托叔父之屬

河間王開

安帝叔也

清河有陵廟之尊

清河王延平也陵廟所在故曰尊

及剖符大臣

皆猥為伯榮屈節車下陛下不問必以陛下欲其然也

伯榮之威重於陛下陛下之柄在於臣妾水災之發必

起於此昔韓嫣托副車之乘受馳視之使江都悞為一

拜而嫣受歐刀之誅

韓嫣得幸武帝武帝獵上林中先使嫣乘副車從數十百騎馳視獸

江都王望見以為天子伏謁道傍嫣驅不見王怒為皇太后泣言太后銜之後嫣出入永巷以奸聞太后賜嫣

死

臣願明主嚴天元之尊正乾剛之位

天元猶職事巨乾元也

細皆任賢能不宜復令女使干錯萬機重察左右得無

石顯泄漏之姦

石顯為中書令恐元帝一旦納用左右間已乃取一言為驗嘗被使至諸宮徵

發先白上恐漏盡宮門閉請詔開門上許之顯故投夜還詔開宮門後果有上書告顯矯詔開宮門天子聞之

笑顯泣曰陛下過私小臣屬任以事羣下無不嫉妬欲陷害者上以為然而憐之尚書納言得

無趙昌譖崇之詐

鄭崇哀帝時為尚書僕射數諫諍帝不許尚書令趙昌素諂因奏崇與宗

族通疑有姦上怒

公卿大臣得無朱博阿傅之援

哀帝時博

為丞相阿傅太后指奏免大司馬傳喜哀帝怒下博獄自殺

外屬近戚得無王鳳害

商之謀

成帝舅王鳳為大將軍專權驕僭王商為丞相論議不能平鳳陰求商短使人上書告商閨門

事商坐免商宣帝舅樂昌侯王武之子

若國政一由帝命王事每決於已

則下不得偏上臣不得干君常雨大水必當霽止四方

衆異不能為害

翟酺

字子超廣漢雒人仕至將作大匠為權貴所構廢於家

諫外戚疏

安帝始親政追感祖母宋貴人悉封其家又元舅耿寶及皇后兄弟閭顯

等擅權酺時為

尚書上疏諫

明而切簡而健自
是灼見本原之謫

臣聞微子佯狂而去殷叔孫通背秦而歸漢

通仕秦為博士後歸

漢

彼非自疎其君時不可也臣荷殊絕之恩蒙值不諱

之政豈敢雷同受寵而以戴天履地伏惟陛下應天履祚歷值中興當建太平之功而未聞致化之道蓋遠者難明請以近事徵之昔竇鄧之寵傾動四方兼官重紱

臣乾學曰外戚之聲燭威歷然誠今內有明德馬后之識外有司馬字武攸緒之賢庶幾能保家矣

盈金積貨至使議弄神器改更社稷豈不以勢尊威廣以致斯患乎及其破壞頭顱墮地願為孤豚豈可得哉

夫致貴無漸失必暴受爵非道殃必疾今外戚寵幸功均造化漢元以來未有等比陛下誠仁恩周洽以親九

族然祿去公室政移私門覆車重尋寧無摧折而朝臣

在位莫肯正議翕翕訛訛

爾雅翕翕訛訛莫供職也

更相佐附臣恐

威權外假歸之良難虎翼一奮卒不可制故孔子曰吐

珠於澤誰能不舍

喻君之權柄外假則必競取以為己利猶珠出於澤中誰能不舍取以為

已寶也此出春秋保
乾圖恐非孔子語

老子稱國之利器不可以示人

利器

謂權道也

此最安危之極戒社稷之深計也夫儉德之恭政

存約節故文帝愛百金於露臺飾帷帳於皐囊

文帝集上書囊

以為殿帷

或有譏其儉者上曰朕為天下守財耳豈得妄用

之哉至倉穀腐而不可食錢貫朽而不可較今自初政
以來日月未久費用賞賜已不可算斂天下之財積無
功之家帑藏單盡民物彫傷卒有不虞復當重賦百姓
怨叛既生危亂可待也昔成王之政周公在前召公在

後畢公在左史佚在右四子挾而維之目見正容耳聞
正言一日即位天下曠然言其法度素定也今陛下有
成王之尊而無數子之佐雖欲崇雍熙致太平其可得
乎自去年已來災譴頻數地坼天崩高岸為谷修身恐
懼則轉禍為福輕慢天戒則其害彌深願陛下親自勞
卹研精致思勉求忠貞之臣誅遠佞諂之黨損玉堂之
盛尊天爵之重割情欲之歡罷晏私之好帝王圖籍陳
列左右心存亡國所以失之鑒觀興王所以得之庶災

害可息豐年可招矣

虞詡

字升卿陳國武平人為朝歌長拜武都太守遷司隸校尉終尚書令

請復三郡疏

安定北地上郡遭羌亂郡縣皆荒詡上疏請復從之使謁者督徙者

各歸本縣繕城郭置候驛又浚渠屯田省費歲以億計遂令諸郡儲粟周數年

熙然有古光持論
亦復精警

臣聞子孫以奉祖為孝君上以安民為明此高宗周宣
所以上配湯武也禹貢雍州之域厥田惟上且沃野千
里穀稼殷積又有龜茲鹽池以為民利水草豐美土宜
產牧牛馬銜尾羣羊塞道北阻山河乘院據險因渠以

漑水春河漕

以水為碓由河轉漕也

用功省少而軍糧饒足故孝

武皇帝及光武築朔方開西河置上郡皆為此也而遭
元元無妄之災衆羌內潰郡縣兵荒二十餘年夫棄沃
壤之饒損自然之財不可謂利離河山之阻守無險之
處難以為固今三郡未復園林單外而公卿選懦容頭
過身張解設難但計所費不圖其安宜開聖德考行所
長

左雄

字伯豪南郡涅陽人安帝時為冀州刺史永建初徵拜議郎再遷尚書令司隸校尉

上順帝陳吏事疏

雄以守長數易非政之體上疏切陳帝感其言申下有司

考其真偽詳所施行而
宦豎擅權終不能用

守長於民最親賢
否關閭閻休戚
中微引極為典切

臣聞柔遠和邇莫大寧人寧人之務莫重用賢用賢之

道必存考黜是以臯陶對禹貴在知人安人則惠黎民

懷之分伯建侯代位親民民用和穆禮讓以興故詩云

有渰淒淒興雨祁祁雨我公田遂及我私及幽厲昏亂

不自為政褒豔用權七子黨進

七子謂卿士皇父司徒
番冢宰家伯膳夫仲允

水心葉適曰左

雄言漢至今三

內史聚子趣馬
蹶師氏橋也

賢愚錯緒深谷為陵故其詩云四國無

百餘載下飾其詐上肆其殘謂殺害不辜為威風聚斂整辦為賢能治已安民為劣弱奉法循理為不治末世風俗漸靡往往如此自雄在納言明達政體脩察選法崇尚學校順桓以後多知名士雄之力也論者不考但徇崔寔輩私意偏說為後世言

政不用其良又曰哀今之人胡為虺蜴言人畏吏如虺蜴也宗周既滅六國并秦阮儒泯典剗革五等更立郡縣剗削也五縣設令長郡置守尉什五相司封豕其民等謂諸侯史記商鞅為秦定變法之令令人什五而相收司犯禁相連坐不告姦者要斬楊雄長楊賦曰秦竄竄其士封豕其人也大漢受命雖未復古然克慎庶官蠲苛救敝悅以

濟難撫而循之至於文景天下康乂誠由玄靖寬柔克慎官人故也降及宣帝興於仄陋綜覈名實知時所病刺史守相輒親引見考察言行信賞必罰帝乃歎曰民

治之害外強中
乾與食鳥喙何
異

臣英日論吏治
以久任責成功
以治效核名實
尤為經世之言

所以安而無怨者政平吏良也與我共此者其唯良二

千石乎以為吏數變易則下不安業久於其事則民服

教化其有政理者輒以璽書勉勵增秩賜金或爵至關

內侯公卿缺則以次用之是以吏稱其職人安其業漢

世良吏於茲為盛故能降來儀之瑞建中興之功

宣帝時鳳

凰五至因漢初至今三百餘載俗浸彫敝巧偽滋萌下

以紀年

飾其詐上肆其殘典城百里轉動無常各懷一切莫慮

長久謂殺害不辜為威風聚斂整辦為賢能以理已安

民為劣弱以奉法循理為不化髡鉗之戮生於睚眦覆

尸之禍成於喜怒視民如寇讐稅之如豺虎

國語鬪丹廷見令尹

子常與之語問畜貨聚馬歸語其弟曰楚其亡乎吾見令尹如饑獸豺虎焉殆必亡者也

監司項背

相望

謂前後相顧也

與同疾疢見非不舉聞惡不察觀政於亭

傳責成於期月言善不稱德論功不據實虛誕者獲譽

拘檢者離毀

離遭也

或因罪而引高或色斯以求名

因罪潛遁

以求高尚之名論語曰色斯舉矣言觀前人之顏色也

州宰不覆競共辟召踴躍

升騰超等踰匹或考奏捕案而亡不受罪會赦行賂復

見洗滌朱紫同色清濁不分故使姦猾枉濫輕忽去就

拜除如流缺動百數鄉官部吏職斯祿薄

斯賤也

車馬衣

服一出於民廉者取足貪者充家特選橫調

調徵也

紛紛

不絕送迎煩費損政傷民和氣未洽災眚不消咎皆在

此今之墨綬猶古之諸侯

墨綬謂令長即古子男之國也

拜爵王庭輿

服有庸

庸常也

而齊於匹豎叛命避負非所以崇憲明理

惠育元元也臣愚以為守相長吏惠和有顯效者可就

增秩勿使移徙非父母喪不得去官其不從法禁不式

王命錮之終身

式用也

雖會赦令不得齒列若被劾奏亡

不就法者徙家邊郡以懲其後鄉部親民之吏皆用儒

生清白任從政者

任堪也。人林反。

寬其負筭

負欠也。筭口錢也。儒生未有品

秩故寬之

增其秩祿吏職滿歲宰府州郡乃得辟舉如此威

福之路塞虛偽之端絕送迎之役損賦斂之源息循理之吏得成其化率土之民各寧其所追配文宣中興之

軌

文帝宣帝也。文帝遭呂氏難故亦云中興。

流光垂祚永世不刊

郎顗

字雅光北海安丘人父宗學京氏易善風角星筭顗少傳父業兼明經典陽嘉中徵拜郎

中不就歸家後
為同里人所殺

上災異封事

順帝時災異屢見公
車徵顓乃詣闕拜章

造語精核故不厭
其繁縟

臣聞天垂妖象地見災符所以譴告人主責躬修德使

正機平衡流化興政也易內傳曰凡災異所生各以其

正變之則除消之亦除

易稽覽圖之
言正政也

伏惟陛下躬日昃

之聽溫三省之勤思過念咎務消祇悔

祇大也易復卦
初九曰無祇悔

元方今時俗奢佚淺恩薄義夫救奢必於儉約拯薄無

若敦厚安上理人莫善於禮修禮遵約蓋惟上興革文

臣杜訥曰懿切
中却多抑揚
控瀾迴風湧文
致最佳

變薄事不在下故周南之德關雎政本本立道生風行

草從澄其源者流清涵其本者末濁天地之道其猶鼓

簫以虛為德自近及遠者也

簫如笛六孔內
虛而氣無窮

伏見往年

以來園陵數災

陽嘉元年年冬恭陵百丈廡災
永建元年秋茂陵園寢災

炎光熾猛

驚動神靈易天人應曰君子不思遵利茲謂無澤厥災

孽火燒其宮又曰君高臺府犯陰侵陽厥災火又曰上

不儉下不節災火竝作燒君室自頃繕理西苑修復太

學

永建六年
修太學也

宮殿官府多所構飾昔盤庚遷殷去奢即

儉夏后卑室盡力致美又魯人為長府閔子騫曰仍舊
貫何必改作臣愚以為諸所繕修事可省減稟卹貧人
賑贍孤寡此天之意也人之慶也仁之本也儉之要也
焉有應天養人為仁為儉而不降福者哉土者地祇陰
性澄靜宜以施化之時敬而勿擾竊見正月以來陰閤
連日易內傳曰久陰不雨亂氣也蒙之比也蒙者君臣
上下相冒亂也又曰賢德不用厥異常陰夫賢者化之
本雲者雨之具也得賢而不用猶久陰而不雨也又頃

前數日寒過其節水既解釋還復凝合夫寒往則暑來
暑往則寒來此言日月相推寒暑相避以成物也今立
春之後火卦用事當溫而寒違反時節由功賞不至而
刑罰必加也宜須立秋順氣行罰臣伏案飛候叅察衆

政

京房作
易飛候

以為立夏之後當有震裂涌水之害又比熒

惑失度盈縮往來涉厯輿鬼環繞軒轅

天官書曰輿鬼
南方之宿軒轅

後宮之
象也

火精南方夏之政也政有失禮不從夏令則熒

惑失行

熒惑南方主夏為禮為視禮虧
視失不行夏令則熒惑逆行也

正月三日至乎

九日三公卦也

凡卦法一為元士二為大夫三為三公四為諸侯五為王位六為宗廟分卦直

日之法文主一日即三日九日竝為三公之日也

三公上應台階下同元首

君為

元首臣作股肱言三公上象天之台階下與人君同體也

政失其道則寒陰反節節

彼南山詠自周詩股肱良哉著於虞典而今之在位競

託高虛納累鍾之奉忘天下之憂棲遲偃仰寢疾自逸

被策文得賜錢即復起矣何疾之易而愈之速以此消

伏災眚興致升平其可得乎今選舉牧守委任三府

三公

也長吏不良既咎州郡州郡有失豈得不歸責舉者而


陛下崇之彌優自下慢事愈甚所謂大網疎小網數謂

於三公切
於州郡也

三公非臣之仇臣非狂夫之作所謂發憤忘

食懇懇不已者誠念朝廷欲致興平非不能面譽也臣
生長草野不曉禁忌披露肝膽書不擇言伏鑽鼎鑊死
不敢恨謹詣闕奉章伏待重誅

御選古文淵鑒卷十九



總校官庶吉士臣張能照

校對官助教臣汪錫魁

謄錄監生臣沈浩

欽定四庫全書薈要

集部

御選古文淵鑒卷二十

欽定四庫全書薈要

御選古文淵鑒卷二十目錄

漢



劉梁
辨和同論

李固

災異策對

陳事疏

援日南議

皇甫規

舉賢良方正對策

陳蕃

諫封賞內寵疏

劉瑜

陳事書

劉陶

鑄錢議

張敞

上王暢奏記

傅燮

請誅中官疏

蔡邕

上靈帝封事

幽冀刺史久闕疏

諫伐鮮卑議

司空文烈侯楊公碑

郭有道碑文

文範先生陳仲弓碑

鄭康成

詩譜序

孔融

肉刑議

告高密縣教

應劭

上漢儀疏

陳琳

為袁紹檄豫州

為袁紹與公孫瓚書

臧洪

報陳琳書

御選古文淵鑒卷二十目錄

欽定四庫全書薈要卷一萬七千一百七十三

集部

御選古文淵鑒卷二十

內閣學士兼禮部侍郎教習庶吉士

臣

徐乾學等奉

旨編注

漢

劉梁

字曼山一名岑東平寧陽人桓帝時舉孝廉除北新城長儒化大行

辨和同論

夫事有違而得道有順而失義有愛而為害有惡而為

博考往籍斷以正義和同之介較若

白黑矣

臣正治曰其論
和同與晏子之
言相表裏而以
義為斷以道為
貴尤為萬論

美其故何乎蓋明智之所得闇偽之所失也是以君子
之於事也無適無莫必考之以義焉得由和興失由同
起故以可濟否謂之和好惡不殊謂之同春秋傳曰和
如羹焉酸苦以劑其味

劑齊也

君子食之以平其心同如

水焉若以水濟水誰能食之琴瑟之專一誰能聽之是
以君子之行周而不比和而不同以救過為正以匡惡
為忠經曰將順其美匡救其惡則上下和睦能相親也
昔楚恭王有疾召其大夫曰不穀不德少主社稷

楚恭王名

審失先君之緒覆楚國之師謂鄢陵之戰不穀之罪也

若以宗廟之靈得保首領以歿請為靈若厲大夫許諸

謚法亂而不損曰厲及其卒也子囊曰不然子囊楚令尹名夫事

君者從其善不從其過赫赫楚國而君臨之撫正南海

訓及諸夏其寵大矣寵榮也有是寵也而知其過可不謂

恭乎大夫從之謚法既過能改曰恭此違而得道者也及靈王驕

淫暴虐無度芊尹申亥從王之欲以殯于乾谿殉之二

女此順而失義者也芊尹申亥申無宇之子也乾谿之役申亥曰吾父再奸王命王不誅

惠孰大焉乃求王過之棘闡以王歸
王自縊申亥以其二女殉而葬之也
鄢陵之役晉楚對

戰陽穀獻酒子反以斃此愛而害之者也

淮南子楚恭王與晉人戰

于鄢陵戰酣恭王傷司馬子反渴而求飲陽穀奉酒而
進之子反之為人也嗜酒而甘之不能絕于口遂醉而
臥恭王欲復戰使人召子反子反辭以疾王駕而
往之入幄中而聞酒臭恭王大怒斬子反以為戮
臧武

仲曰孟孫之惡我藥石也季孫之愛我美疢也疢毒滋

厚石猶生我此惡而為美者也

武仲臧孫紇也左傳孟孫死臧孫入哭甚哀其

御曰孟孫之惡子也而哀如是季孫若死其若之何臧孫答云云

孔子曰智之難也有

臧武仲之智而不容于魯國抑有由也作而不順施而

臣熙曰詞旨清
辨不為激烈之
語而規時之意
最深

不怨也

季武子無適子公彌長悼子少武子愛悼子欲立之訪于申豐曰不可訪于臧紇曰飲我酒吾

為子立之季氏飲大夫酒臧紇為客既獻臧孫命北面重席新樽絜之召悼子降逆之大夫皆起悼子乃立季氏以公彌為馬正其後公彌立孟孫

蓋善其知義譏其

違道也夫知而違之偽也不知而失之間也間與偽焉

其患一也患之所在非徒在智之不及又在及而違之者矣故曰智及之仁不能守之雖得之必失之也夏書

曰念茲在茲庶事恕施忠智之謂矣

庶衆也言衆事恕已而施行斯可謂

忠而有智矣

故君子之行動則思義不為利回不為義疚

回邪

也疾進退周旋唯道是務苟失其道則兄弟不阿苟得病也

其義雖仇讐不廢故解狐蒙祁奚之薦

左傳晉祁奚請老晉侯問嗣焉

稱解狐其讐也

二叔被周公之害勃鞞以逆文為成人

勃鞞晉寺人披也左

傳晉獻公使寺人披伐公子重耳於蒲披斬其袪及文

公歸國呂甥卻芮將焚公宮而殺文公寺人披以呂卻

之難告之言初雖逆

傳瑕以順厲為敗

鄭厲公為祭仲所逐後侵鄭及

文公後竟成之也

大陵獲鄭大夫傅瑕曰苟舍我吾請納子厲公與之盟而赦之傅瑕殺鄭子而納厲公遂殺傅瑕也

管蘇

以憎忤取進申侯以愛從見退考之以義也

新序楚恭王有疾告

諸大夫曰管蘇犯我以義違我以禮與處不安不見不思然而有得焉吾死之後爵之于朝申侯伯順吾所欲

行吾所樂與處則安不見則思然未嘗有得焉必速遣之故曰不在逆順以義為斷不在憎愛以道為貴禮記曰愛而知其惡憎而知其善考義之謂也

李固

字子堅漢中南鄭人官至太尉為梁冀所殺

災異策對

陽嘉二年有地震山崩火災之異詔問為政所宜故對策順帝覽其對即

出阿母還第舍諸常侍悉叩頭謝罪朝廷肅然

意愈婉而氣愈直
謹論碩辭可刊金石

臣聞王者父天母地寶有山川王道得則陰陽和穆政化乖則崩震為災斯皆關之天心效於成事者也夫化

以職成官繇能理古之進者有德有命

言有德者乃今可加爵命也

之進者唯財與力伏聞詔書務求寬博疾惡嚴暴而今

長吏多殺伐致聲名者必加遷賞其存寬和無黨援者

輒見斥逐是以淳厚之風不宣彫薄之俗未革雖繁刑

重禁何能有益前孝安皇帝變亂舊典封爵阿母

阿母王聖

因造妖孽使樊豐之徒乘權放恣侵奪主威改亂嫡嗣

謂順帝為太子時廢為濟陰王

至今聖躬狼狽親遇其艱既拔自困殆

龍興即位天下喁喁屬望風政積敝之後易致中興誠

西山真德秀曰
按梁氏書盛末
及期年不過榮
顯兼加而已左
雄既諫止其封
李固又欲抑止
其寵忠臣之心
慮於未形大抵

如此順帝能
早從其言則國
家異時無弑逆
之禍梁氏亦免
赤族之誅豈不
休哉

臣德宜曰女子
小人孔子以為

當沛然思惟善道而論者猶云方今之事復同於前臣
伏從山草痛心傷臆實以漢興以來三百餘年賢聖相
繼十有八主豈無阿乳之恩豈忘爵賞之寵然上畏天
威俯案經典知義不可故不封也今宋阿母謂宋娥也雖有
大功勤謹之德但加賞賜足以酬其勞苦至於裂土開
國實乖舊典聞阿母體性謙虛必有遜讓陛下宜許其
辭國之高使成萬安之福夫妃后之家所以少完全者
豈天性當然但以爵位尊顯專總權柄天道惡盈不知

難養根連蔓結
陰沴實乘正月
繁霜所由刺也
固能痛切指陳
勝於馬融張衡
所對遠矣

自損故至顛仆先帝寵遇閻氏位號太疾故其受禍曾
不旋時老子曰其進銳者其退速也今梁氏戚為椒房
禮所不臣尊以高爵尚可然也而子弟羣從榮顯兼加
永平建初故事殆不如此宜令步兵校尉冀及諸侍中
還居黃門之官使權去外戚政歸國家豈不休乎又詔
書所以禁侍中尚書中臣子弟不得為吏察孝廉者以
其秉威權容請托故也而中常侍在日月之側聲勢振
天下子弟祿仕曾無限極雖外託謙默不干州郡而諂

偽之徒望風進舉今可為設常禁同之中臣昔館陶公

主

光武第
三女

為子求郎明帝不許賜錢千萬所以輕厚賜

重薄位者為官人失才害及百姓也竊聞長水司馬武
宣開陽城門候羊迪等無他功德初拜便真此雖小失
而漸壞舊章先聖法度所宜堅守政教一跌百年不復
詩云上帝板板下民卒瘁刺周王變祖法度故使下民
將盡病也今陛下之有尚書猶天之有北斗也斗為天
喉舌尚書亦為陛下喉舌斗斟酌元氣運平四時尚書

臣鴻緒曰歷指
時政不減長沙

之哭而尚書喉
舌等語尤識治
體

出納王命賦政四海

賦布也

權尊勢重責之所歸若不平

心災眚必至誠宜審擇其人以毗聖政今與陛下共理

天下者外則公卿尚書內則常侍黃門譬猶一門之內

一家之事安則共其福慶危則通其禍敗刺史二千石

外統職事內受法則夫表曲者影必邪源清者流必絜

猶叩樹本百枝皆動也周頌曰薄言振之莫不震疊

時邁

之篇振詩作震

此言動之於內而應於外者也由此言之本朝

號令豈可蹉跎間隙一開則邪人動心利競暫起則仁

義道塞刑罰不能復禁化導以之寢壞此天下之紀綱
當今之急務陛下宜開石室陳圖書招會羣儒引問得
失指摘變象以求天意其言有中理即時施行顯拔其
人以表能者則聖聽日有所聞忠臣盡其所知又宜罷
退宦官去其權重裁置常侍二人方直有德者省事左
右小黃門五人才智閑雅者給事殿中如此則論者厭
塞升平可致也臣所以敢陳愚瞽冒昧自聞者儻或皇
天欲令微臣覺悟陛下陛下宜熟察臣言憐赦臣死

陳事疏

時固遷將作大匠上疏陳事

老成卓偉之言自
前伉正

臣廷敬曰積賢
為道精義不磨
易言拔茅連茹
詩言藹藹王多
吉士即此義也

臣聞氣之清者為神人之清者為賢養身者以練神為
寶安國者以積賢為道昔秦欲謀楚王孫圉設壇西門
陳列名臣秦使懼然遂為寢兵魏文侯師卜子夏友田
子方軾段干木故羣俊競至名過齊桓秦人不敢闕兵
于西河斯蓋積賢人之符也陛下撥亂龍飛初登大位
聘南陽樊英江夏黃瓊廣漢楊厚會稽賀純策書嗟歎
待以大夫之位是以巖穴幽人智術之士彈冠振衣樂

欲為用四海欣然歸服聖德厚等在職雖無奇卓然夕
惕孳孳志在憂國臣前在荊州聞厚純等以病免歸誠
以悵然為時惜之一日朝會見諸侍中並皆年少無一
宿儒大人可顧問者誠可歎息宜徵還厚等以副羣望
瓊久處議郎已且十年衆人皆怪始隆崇今更滯也光
祿大夫周舉才謨高正宜在常伯訪以言議侍中杜喬
學深行直當世良臣久託疾病可勅令起

援日南議

永和二年日南象林徼外蠻夷區憐
等反攻郡縣順帝召公卿百官會議

遣大將發荆揚兗豫四萬人赴之固
為大將軍從事中郎駁議四府悉從

萬里赴援既言其
失又能策畫方略
條論井然謀國之
忠何其懇到也

水心葉適曰李
固駁發兵之議
夫交趾九真反
而欲以充豫揚

若荆揚無事發之可也今二州盜賊槃結不散武陵南
郡蠻夷未輯長沙桂陽數被徵發如復擾動必更生患
其不可一也又兗豫之人卒被徵發遠赴萬里無有還
期詔書迫促必致叛亡其不可二也南州水土溫暑加
有瘴氣致死亡者十有四五其不可三也遠涉萬里士
卒疲勞比至嶺南不復堪鬪其不可四也軍行三十里
為程而去日南九千餘里三百日乃到計人廩五升用

州赴之不待知者而知其不可用矣然當時士大夫所見皆如此者蓋有寇即發兵發近不能勝則發遠乃目前常行之事故也觀國歷數利害毫髮無遺借箸而籌蓋不足道信儒者之英傑也

臣乾學曰命將無益州郡可任此治荒徼之要訣蓋邊徼之民

米六十萬斛不計將吏驃馬之食但負甲自致費便若此其不可五也設軍到所在死亡必衆既不足禦敵當復更發此為刻割心腹以補四支其不可六也九真日南相去千里發其吏民猶尚不堪何況乃苦四州之卒以赴萬里之艱哉其不可七也前中郎將尹就討益州叛羌益州諺曰虜來尚可尹來殺我後就徵還以兵付刺史張喬喬因其將吏旬月之間破殄寇虜此發將無益之效州郡可任之驗也宜更選有勇略仁惠任將帥

各欲自衛其身
家地接則情實
易得習同則強
弱相當第用一
能吏領之便足
辦寇也

者以為刺史太守悉使共住交趾今日南兵單無穀守
既不足戰又不能可一切徙其吏民北依交趾事靜之
後乃命歸本還募蠻夷使自相攻轉輸金帛以為其資
有能反間致頭首者許以封侯列土之賞故并州刺史
長沙祝良性多勇決又南陽張喬前在益州有破虜之
功皆可任用昔太宗就加魏尚為雲中守哀帝即拜龔
舍為太山太守宜即拜良等便道之官

皇甫規

字威明安定朝那人延熹中為泰山太守
徵拜議郎後為度遼將軍遷弘農太守封

壽成
亭侯

舉賢良方正對策

冲帝質帝之間梁太后臨朝規舉賢良方正對策

披瀝直陳於對策
中尤為奇特

伏惟孝順皇帝初勤王政紀綱四方幾以獲安後遭姦
偽威分近習畜貨聚馬戲謔是聞又因緣嬖倖受賂賣
爵輕使賓客交錯其間天下擾擾從亂如歸故每有征
戰鮮不挫傷官民並竭上下窮虛臣在關西竊聽風聲
未聞國家有所先後先後謂進退也言國家不妄有褒貶進退而權倖之徒反為禍福也
而威福之來咸歸權倖陛下體兼乾坤聰哲純茂攝政

之初拔用忠貞其餘維網多所改正遠近翕然望見太平而地震之後霧氣白濁日月不光旱魃為虐大賊從橫流血丹野庶品不安譴誡累至殆以姦臣權重之所致也其常侍尤無狀者亟便黜遣披掃凶黨收入財賄以塞痛怨以答天誡今大將軍梁冀河南尹不疑處周邵之任為社稷之鎮加與王室世為姻族

梁商女為順帝后后女弟

又為桓帝后冀即商子故曰代姻也

今日立號雖尊可也實宜增修謙節

輔以儒術省去游娛不急之務割減廬第無益之飾夫

西山真德秀曰
皇甫規舟楫之

喻可謂忠矣使
冀能以保國全
家為心諂諛善
道惟斯全圖以
濟國家於險則
同舟之人其有
不安者乎同舟
之人安矣操楫
之人其有不與
者乎顧方憤其
忠言欲寘之死
所謂安危利害
而樂其所以亡
也不仁之人可
與言哉

臣英曰喻君民
於乘舟喻輔弼

君者舟也人者水也羣臣乘舟者也將軍兄弟操楫者
也若能平志畢力以度元元所謂福也如其怠弛將淪
波濤可不慎乎夫德不稱祿猶鑿墉之趾以益其高豈
量力審功安固之道哉凡諸宿猾酒徒戲客皆目納邪
聲口出謠言甘心逸遊唱造不義亦宜貶斥以懲不軌
令冀等深思得賢之福失人之累又在位素餐尚書怠
職有司依違莫肯糾察故使陛下專受謠諛之言不聞
戶牖之外臣誠知阿諛有福深言近禍豈敢隱心以避

於操機數語扼
要遂為一篇警
策

勁爽峭利之中自
有沉摯深厚之氣

誅責乎臣生長邊遠希陟紫庭怖懼失守言不盡心

梁冀

忿其刺已以規為下第拜郎中托疾
免歸州郡承冀旨幾陷死者再三

陳蕃

字仲舉汝南平輿人官至太傅上
疏請誅曹節王甫等為節等所害

諫封賞內寵疏

時桓帝封賞踰制內寵猥盛蕃
上疏帝頗納其言為出宮女五

百餘
人

臣間有事社稷者社稷是為有事人君者容悅是為今

臣蒙恩聖朝備位九列見非不諫則容悅也夫諸侯上

象四七垂耀在天下應分土藩屏上國

上象四七謂二
十八宿各主諸

水心葉適曰今世學者論陳蕃只舉後一節更不記以前事有事社稷者社稷是為有事君人者容悅是為觀其正已正物終始以天下之重自在歷數二漢

侯之分野故曰下應分土

高祖之約非功臣不侯而聞追錄河南尹

鄧萬世父遵之微功更爵尚書令黃雋先人之絕封近習以非義授邑左右以無功傳賞授位不料其任裂土莫紀其功至乃一門之內侯者數人故緯象失度陰陽謬序稼用不成民用不康臣知封事已行言之無及誠欲陛下從是而止又比年收斂十傷五六萬人饑寒不聊生活而采女數千食肉衣綺脂油粉黛不可貲計鄙諺云盜不過五女門以女貧家也今後宮之女豈不貧

自李固之外更

無人焉然既有

實后父子天下

在掌握自古得

時未有如此却

是若自感迫壞

之哀哉夫以蓄

終身自治尚不

做得後一節其

不如蓄者豈復

能有為事功雖

易人材品目真

未易言有志於

古人者其可不

深淵薄冰日慎
一日乎

國乎是以傾宮嫁而天下化

帝王紀曰紂作傾宮多采
美女以充之武王伐殷乃

歸傾宮之女
於諸侯也

楚女悲而西宮災

公羊西宮災注云時僖
公以齊媵為嫡楚女廢

居西宮悲愁
怨曠所生也

且聚而不御必生憂悲之感以致并隔水

旱之困夫獄以禁止姦違官以稱才理物若法虧於平

官失其人則王道有缺而令天下之論

令當
作今

皆謂獄繇

怨起爵以賄成夫不有臭穢則蒼蠅不飛陛下宜採求

失得擇從忠善尺一選舉委尚書三公

尺一謂板長尺
以寫詔書

使褒責誅賞各有所歸豈不幸甚

條析當時之弊極
盡情致文亦波折

古宕

劉瑜

字季節廣陵人桓帝延熹中拜議郎竇武欲大誅宦官引與同謀武敗瑜亦被誅

陳事書

瑜初舉賢良方正上書陳事

臣瑜自念東國鄙陋得以豐沛枝盾被蒙復除不給卒
伍故太尉楊秉知臣竊闕典籍猥見顯舉誠冀臣愚直
有補萬一而秉忠謨不遂命先朝露臣在下土聽聞歌
謠驕臣虐政之事遠近呼嗟之音竊為辛楚泣血漣如
幸得引錄備答聖問泄寫至情不敢庸回誠願陛下且
以須臾之慮覽今往之事人何為咨嗟天曷為動變蓋

諸侯之位上法四七垂文炳耀關之盛衰者也今中官邪孽比肩裂土皆競立胤嗣繼體傳爵或乞子疎屬或

買兒市道殆乖開國承家之義古者天子一娶九女娣

姪有序河圖授嗣正在九房今女嬖令色充積閨帷皆

當盛其玩飾冗食空宮勞散精神生長六疾

左傳天有六氣淫生

六疾此國之費也生之傷也且天地之性陰陽正紀隔絕

其道則水旱為并詩云五日為期六日不詹

詩小雅采芣篇詹至

也期至五日而歸今六日不至婦人所以怨曠也

怨曠作歌仲尼所錄况從幼

至長幽藏歿身又常侍黃門亦廣妻娶怨毒之氣結成
妖青行路之言官發略人女取而復置轉相驚懼孰不
悉然無緣空生此謗鄒衍匹夫杞氏匹婦尚有城崩霜
隕之異鄒衍事燕惠王盡忠王信讒而繫之衍仰天而
哭正夏而天為降霜齊莊公襲莒杞梁殖戰死
其妻就夫屍于城下況乃羣輩咨怨能無感乎昔秦作
哭之十日而城崩

阿房國多刑人今第舍增多窮極奇巧掘山攻石不避

時令

月令孟夏之月無有壞
墮無起土功無發大衆

促以嚴刑威以正法民無

罪而覆入之民有田而覆奪之州郡官府各自考事姦

情賕賂皆為吏餌民愁鬱結起入賊黨官輒興兵誅討
其罪貧困之民或有賣其首級以要酬賞父兄相代殘
身妻孥相視分裂窮之如彼伐之如此豈不痛哉又陛
下以北辰之尊神器之寶而微行近習之家私幸宦官
之舍賓客市買熏灼道路因此暴縱無所不容今三公
在位皆博達道藝而各正諸已莫或匡益者非不智也
畏死罰也惟陛下設置七臣以廣諫道

古者天子有諫臣七人謂三公

及前疑後承左輔右弼

及開東序金縢史官之書從堯舜禹湯文

武致興之道遠佞邪之人放鄭衛之聲則政致和平德

感祥風矣臣慙慙推情言不足採懼以觸忤征營惛悖

劉陶

字子奇一名偉潁川潁陰人濟北王勃之後靈帝時為御史以切直忤宦官下黃門北寺

獄按驗急遂閉氣而死

鑄錢議

時陶遊太學會上有上書言人以貨輕錢薄故致貧困宜改鑄大錢事下四府羣

僚及太學能言之士陶乃上議帝竟不鑄錢

聖王承天制物與人行止建功則衆悅其事興戎而師

樂其旅是故靈臺有子來之人武旅有鳧藻之士

武旅周武

因鑄治而及農殖
真知本之論

王之旅鳧得水
藻言喜悅也

皆舉合時宜動順人道也臣伏讀鑄錢

之詔平輕重之議訪覃幽微不遺窮賤是以藿食之人

謬延逮及蓋以為當今之憂不在於貨在乎民饑夫生

養之道先食後民

案民當作貨

是以先王觀象育物敬授民

時使男不逋畝女不下機故君臣之道行王路之教通

由是言之食者乃有國之所寶生民之至貴也竊見比

年以來良苗盡於蝗螟之口杼柚空於公私之求所急

朝夕之餐所患靡盬之事豈謂錢貨之厚薄銖兩之輕

瓊山丘濬曰劉
陶所謂民可百
年無價不可一
日有錢此至言
也民之所以有
餓者以無穀也
務必使錢常不
至於多餘錢常
不至於不給其
價常平則民無
苦餓者矣

臣
乾學曰民可
百年無貨不可

重哉就使當今沙礫化為南金瓦石變為和玉

詩曰大
賂南金

和玉卞和
之玉也

使百姓渴無所飲饑無所食雖皇羲之純德

唐虞之文明猶不能以保蕭牆之內也蓋民可百年無

貨不可一朝有饑故食為至急也議者不達農殖之本

多言鑄冶之便或欲因緣行詐以賈國利國利將盡取

者爭競造鑄之端於是乎生蓋萬人鑄之一人奪之猶

不能給況今一人鑄之則萬人奪之乎雖以陰陽為炭

萬物為銅

賈誼
之言

役不食之民使不饑之士猶不能足無

一日有餓苟得
治財之樞要幣
輕幣重之紛紛
自在可略也又
歸重於禁止侵
奪尤為碩畫

厭之求也夫欲民殷財阜要在止役禁奪則百姓不勞
而足陛下聖德愍海內之憂戚傷天下之艱難欲鑄錢
齊貨以救其敝此猶養魚沸鼎之中棲鳥烈火之上水
木本魚鳥之所生也用之不時必至焦爛願陛下寬鑄
薄之禁後冶鑄之議

鑄刻也。口結反。

聽民庶之謠吟問路叟

之所憂

說苑孔子行游中路聞哭者聲甚悲避車而問之虞丘子對曰吾有三失吾少好學周徧天下

還後吾親亡是一失也事君驕奢不遂

是二失也厚交友而後絕是三失也

瞰三光之文耀

視山河之分流

三光日月星也分謂山流謂河言日月有譴食之災星辰有錯行之變故視其

文耀也山崩川竭皆亡之徵也

天下之心國家大事粲然皆見無有遺

惑者矣臣嘗誦詩至鴻鴈于野之勞哀勤百堵之事

詩小

雅鴻鴈之篇鴻鴈于飛肅肅其羽之子于征劬勞于野
鴻鴈于飛集于中澤之子于垣百堵皆作言壞滅之國
徵人起屋舍築牆壁
百堵同時而作也
每喟爾長懷中篇而歎近聽征夫

饑勞之聲甚於斯歌是以追悟匹婦吟魯之憂始於此

乎

列女傳魯漆室邑之女過時未適人當穆公之時君
老太子幼女倚柱而啼鄰婦從之遊謂曰何哭之悲

子欲嫁乎漆室女曰嗟乎始吾以子為知今反
無識也豈為嫁故哉吾憂魯君老而太子少也

見白駒

之意屏營彷徨不能監寐

小雅白駒之詩皎皎白駒食
我場苗繫之維之以永今朝

白駒喻賢人也
監寐猶寤寐也

伏念當今地廣而不得耕民衆而無所

食羣小競起進秉國之位鷹揚天下烏鈔求飽吞饑及

骨並噬無厭誠恐卒有役夫窮匠起於板築之間

役夫謂陳

涉起蘄也窮匠謂驪山之徒也

投斤攘臂登高遠呼使愁怨之民嚮應

雲合八方分崩中夏魚潰

公羊傳曰其言梁亡何魚爛而亡也蓋言從中發潰爛也

雖方尺之錢何能有救其危猶舉函牛之鼎絰織枯之

末

函牛之鼎謂大鼎也絰掛也○絰胡賈反

詩人所以眷然顧之潛馬出涕

者也

小雅大東之辭

臣東野狂闇不達大義緣廣及之時對過

所問知必以身脂鼎鑊為天下笑

張敞

王暢功曹

上王暢奏記

暢為南陽太守奮厲威猛其豪黨有叢穢者莫不糾發搜治臧物或

至發屋伐樹埋井夷竈豪右大震敞奏記暢深納之更崇寬政慎刑簡罰教化遂行

用刑不如行恩求
姦未若禮賢洵為
精義名言

水心葉適曰王

暢疾惡有發屋

伐樹埋井夷竈

之事東漢中世

以後名士之患

緹縈蠲除肉刑卓茂文翁召父之徒皆疾惡嚴刻務崇

溫厚

景帝時文翁為蜀郡守仁愛教化宣帝時仁賢之
召信臣為南陽太守視人如子其化大行

大率如此又不
知當時所謂豪
強者何如而疾
之已甚若以今
世所見則極有
可議蓋以善形
惡自是義理中
偏側之累故孟
子亦謂以善養
人然後能服天
下孔孟在春秋
戰國其亂豈不
愈於順桓之世
然善既不可屈
於惡又不能勝
惡其道只得出

政流聞後世夫明哲之君網漏吞舟之魚然後三光明

於上人物悅於下言之若迂其效甚近發屋伐樹將為

嚴烈雖欲懲惡難以聞遠以明府上智之才日月之曜

敷仁惠之政則海內改觀實有折枝之易而無挾山之

難郡為舊都侯甸之國園廟出於章陵

五百里甸服千
里侯服南陽去

洛千里故曰侯甸南
頓君以上四廟在焉

三后生自新野

光烈皇后和帝陰
后鄧后並新野人

士女沾教化黔首仰風流自中興以來功臣將相繼世

而隆愚以為懇懇用刑不如行恩孳孳求姦未若禮賢

此而東漢儒者
欲以不平之意
加於敵法之上
求以勝天下之
不肖宜其屢發
而屢挫也

懔懔上書情最真
至

舜舉臯陶不仁者遠隨會為政晉盜奔秦

左傳晉命隨會將中軍且

為太傅晉國之盜奔秦也

虞芮入境讓心自生

文王為西伯諸侯皆來決平虞芮之人有

獄不決乃如周入界見耕者讓畔少者讓長虞芮二人慙而相謂曰吾所爭周人所恥曷為取辱遂相與讓不見西伯而還化人在德不在用刑

傅變

字南容北地靈州人官漢陽太守金城賊王國等圍漢陽變殉難

請誅中官疏

書奏宦者趙忠見而忿惡及破張角變功多當封忠訴譖之靈帝猶

記變言得不加罪竟亦不封

臣聞天下之禍不由於外皆興於內是故虞舜升朝先

除四凶然後用十六相明惡人不去則善人無由進也
今張角起於趙魏黃巾亂於六州此皆釁發蕭牆而禍
延四海者也臣受戎任奉辭伐罪始到潁川戰無不克
黃巾雖盛不足為廟堂憂也臣之所懼在於治水不自
其源末流彌增其廣耳陛下仁德寬容多所不忍故閹
豎弄權忠誠不進誠使張角梟夷黃巾變服臣之所憂
甫益深耳何者夫邪正之人不宜共國亦猶冰炭不可
同器彼知正人之功顯而危亡之兆見皆將巧辭飾說

其長虛偽夫孝子疑於屢至市虎成於三夫若不詳察
真偽忠臣將復有杜郵之戮矣白起賜死於杜郵陛下宜思虞
舜四罪之舉速行讒佞放殛之誅則善人思進姦凶自
息臣聞忠臣之事君猶孝子之事父也子之事父焉得
不盡其情使臣身被鈇鉞之戮陛下少用其言國之福
也

蔡邕

字伯喈陳留圉人為郎中校書東觀董卓辟
拜侍御史遷尚書卓誅王允收邕付廷尉遂

死獄中

上靈帝封事

時頻有雷霆疾風傷樹拔木地震
隕電蝗蟲之害又鮮卑犯境役賦

及民制書引咎詔羣臣
各陳政要所當施行

湛深經術曉達時
務封事之佳者

臣伏讀聖旨雖周成遇風訊諸執事宣王遭旱密勿祇

畏無以或加臣聞天降災異緣象而至辟歷數發

霹靂
陽氣

之動也○
辟普歷反

殆刑誅繁多之所生也風者天之號令所以

教人也夫昭事上帝則自懷多福宗廟致敬則鬼神以

著國之大事實先祀典天子聖躬所當恭事臣自在宰

府及備朱衣

宰府謂司徒橋玄
府朱衣謂祭官也

迎氣五郊而車駕稀出

四時致敬屢委有司雖有解除猶為疎廢

解除猶謝過也

故皇

天不悅顯此諸異洪範傳曰政悖德隱厥風發屋折木
坤為地道易稱安貞陰氣憤盛則當靜反動法為下叛
夫權不在上則雹傷物政有苛暴則虎狼食人貪利傷
民則蝗蟲損稼去六月二十八日太白與月相迫兵事
惡之鮮卑犯塞所從來遠今之出師未見其利上違天
文下逆人事誠當博覽衆議從其安者臣不勝憤懣謹
條宜所施行七事表左一事明堂月令天子以四立及

臣杜訥曰論列
七事根據古義
無一支蔓語絕
類劉向諸疏

季夏之節迎五帝于郊

天子居明堂各依其月布政故云明堂月令四立謂立春立夏

立秋立冬各以其日天子親迎氣于其方并祭其方之帝季夏之月祭中央帝也

所以導致神

氣祈福豐年清廟祭祀追往孝敬養老辟雍示人禮化

皆帝者之大業祖宗所祇奉也而有司數以蕃國疎喪

宮內產生及吏卒小汚

小汚謂病及死也

屢生忌故竊見南郊

齊戒未嘗有廢至于它祀輒興異議豈南郊卑而他祀

尊哉孝元皇帝策書曰禮之至敬莫重于祭所以竭心

親奉以致肅祇者也又元和故事復申先典

章帝元和二年議修

山川百神羣祀以祈豐年又宗祀五帝于明堂三年望祀華霍東柴岱宗為人祈福

前後制書推心懇惻而近者以來更任太史忘禮敬之大任禁忌之

書拘信小故以虧大典禮妻妾產者齊則不入側室之

門無廢祭之文也

妾將生子及月辰居側室夫使人日再問之夫齊則不入側室之門也

所謂宮中有卒三月不祭者謂士庶人數堵之室共處

其中耳

有死于宮中者則為之三月不舉祭

豈謂皇居之曠臣妾之衆哉

自今齋制宜如故典庶答風霆災妖之異二事臣聞國

之將興至言數聞內知已政外見民情是故先帝雖有

聖明之姿而猶廣求得失又因災異援引幽隱重賢良
方正敦朴有道之選危言極諫不絕于朝陛下親政以
來頻年災異而未聞特舉博選之旨誠當思省述修舊
事使抱忠之臣展其狂直以解易傳政悖德隱之言三
事夫求賢之道未必一塗或以德顯或以言揚頃者立
朝之士曾不以忠信見賞恒被謗訕之誅遂使羣下結
口莫圖正辭郎中張文前獨盡狂言聖聽納受以責三
司臣子曠然衆庶解悅臣愚以為宜擢文右職以勸忠

謇宣聲海內博開政路四事夫司隸校尉諸州刺史所以督察姦枉分別白黑者也伏見幽州刺史楊熹益州刺史龐芝涼州刺史劉虔各有奉公疾姦之心熹等所糾其効尤多餘皆枉撓不能稱職或有抱臯懷瑕與下同疾網網弛縱莫相舉察公府臺閣亦復默然五年制書議遣八使又令三公謠言奏事

三公聽採長史臧否人所疾苦條奏之是

為舉謠言者也

是時奉公者欣然得志邪枉者憂悸失色未詳

斯議所因寢息昔劉向奏曰夫執狐疑之計者開羣枉

之門養不斷之慮者來讒邪之口今始聞善政旋復變
易足令海內測度朝政宜追定八使糾舉非法更選忠
清平章賞罰

平和也
章明也

三公歲盡差其殿最使吏知奉公

之福營私之禍則衆災之原庶可塞矣五事臣聞古者
取士必使諸侯歲貢孝武之世郡舉孝廉又有賢良文
學之選於是名臣輩出文武並興漢之得人數路而已
數路謂孝廉賢良文學之類也夫書畫辭賦才之小者匡國理政未有
其能陛下即位之初先涉經術聽政餘日觀省篇章聊

以游意當代博奕非以教化取士之本而諸士競利作
者鼎沸其高者頗引經訓風諭之言下則連偶俗語有

類俳優或竊成文虛冒名氏

時召諸生能為文賦者侍中祭酒樂松賈護多引無

行之徒待制鴻都門下喜陳閭里小事帝悅之優見擢用

臣每受詔于盛化門差次

錄第其未及者亦復隨輩皆見拜擢既加之恩難復收
改但守奉祿于義已弘不可復使理人及仕州郡昔孝
宣會諸儒于石渠章帝集學士于白虎通經釋義其事
優大文武之道所宜從之若乃小能小善雖有可觀以

為致遠恐泥君子故當志其大者六事墨綬長吏職典
理人皆當以惠利為績日月為勞褒責之科所宜分明
而今在任無復能省及其還者多召拜議郎郎中若器
用優美不宜處之冗散如有釁故自當極其刑誅豈有
伏罪懼考反求遷轉更相放效臧否無章先帝舊典未
嘗有此可皆斷絕以覈真偽七事伏見前一切以宣陵
孝子者為太子舍人臣聞孝文皇帝制喪服三十六日
雖繼體之君父子至親公卿列臣受恩之重皆屈情從

制不敢踰越今虛偽小人本非骨肉既無幸私之恩又
無祿仕之實惻隱思慕情何緣生而羣聚山陵假名稱
孝行不隱心義無所依至有姦軌之人通容其中恒思
皇后祖載之時

恒當作桓謂桓帝后也祖謂將
葬祖祭于庭載升柩于車也

東郡有

盜人妻者亡在孝中本縣追捕乃伏其辜虛偽雜穢難
得勝言又前至得拜後輩被遺或經年陵次以暫歸見
漏或以人自代亦蒙寵榮爭訟怨恨凶凶道路太子官
屬宜搜選令德豈有但取丘墓凶醜之人其為不祥莫

與大馬宜遣歸田里以明詐偽

邕書奏帝乃親迎氣北郊及行辟雍之禮又詔

宣陵孝子為舍人者悉改為丞尉焉

幽冀刺史久闕疏

靈帝熹平中行三互法謂婚姻之家及兩州人不得交互

為官也于是選用艱難幽冀二州久缺不補邕上疏帝不省

言議勁正文氣紆徐

臣聞國家置官以職建名臣愚淺小才竊假階級官以議為名職以郎為貴知淺謀漏無所獻替夙夜寤歎憂悸怛惕臣邕頓首死罪伏見幽州突騎冀州强弩為天下精兵國家贍伏四方有事軍師奮攻未嘗不辦於二

州也頃者以來連年饑荒穀價一斛至六七百錢故護
烏桓校尉夏育出征鮮卑無功而還士馬死傷者萬數
弓兵散亡幾盡生民之本守禦之備無一可恃百姓元
元流離溝壑寇賊輩起莫能禁討長吏寒心朝不守夕
卒有他方之急則役之不可驅使自為寇虜則誅之不
可擒制豈非可憂之難三府選幽冀二州刺史踰月不
定臣怪問其故云避三互十一州有禁當取二州而已

時天下分為十三州言十一州之人皆有婚姻往來如
史弼遷山陽太守其妻鉅野薛氏女以三互迴避轉拜

平原相也二州之中少素有威名之士或拘限歲年不應選

用狐疑遲淹兩州空懸萬里蕭條無所管繫每冀州長

吏初除詔書治嚴

治裝也

不過五日今者刺史數旬不選

誠非其理愚以為三互之禁禁之薄者以陛下威靈申

明禁約在任之人豈不戒懼而當坐設三互自生畱闕

邪昔孝景時梁人韓安國坐事被刑起徒中為內史

為梁

內史武帝患東越數反拜故待詔會稽朱買臣

買臣吳人

宣帝

時患冀州有盜賊故京兆尹張敞有罪逃命上使使就

家召為冀州刺史

敬河東人

安國徒隸買臣郡民皆還治其

國張敞亡命擢授劇州豈顧三互拘官簿得救時之便也卒獲其用遺芳不滅此先帝不誤已然之事三公明知二州之要尤宜揀選當越禁取能以救時弊而不顧爭臣之義苟避輕微之科竊見日月拘忌選既稽滯又未必審得其人則二部蠢蠢將為憂念願陛下上則先帝用三臣之法蠲除近禁其諸州刺史器用可換者無拘日月三互以差厥中臣悽悽瞽言惟陛下留神再省

三省

諫伐鮮卑議

靈帝時幽并涼三州緣邊諸郡歲被鮮卑抄略熹平六年北地太守

夏育請徵幽州諸郡兵出塞擊之帝未許會護羌校尉田晏先生事論刑被原欲立功自効中常侍王甫為請帝乃拜晏為破鮮卑中郎將與育并力討賊大臣多有不同乃召百官議朝堂邕上議帝不從

引据多於論斷然具有精理碩畫

書戒猾夏湯伐鬼方周有獫狁蠻荆之師漢有閼顏瀚

海之事

閼顏山名

○閼音佃征討殊類所由尚矣然而時有同異

勢有可否故謀有得失事有成敗不可齊也武帝情存

臣乾學曰邑文
詞古質善為碑
版之體其疏議
獨為暢達絕類
西漢文章

遠略志開四方南誅百越北討強胡西伐大宛東并朝

鮮因文景之蓄藉天下之饒數十年間官民俱匱乃興

鹽鐵酒榷之利設告緡重稅之令

武帝時私鑄錢賣鹽者鈇左趾榷專也官

自賣酒人不得賣也緡絲也緡錢二千二百算一民不令各以其物自占占不悉聽人告緡以半與之

堪命起為盜賊關東紛擾道路不通繡衣直指之使奮

鈇鉞而並出

武帝使直指使者暴勝之等衣繡仗斧分部逐捕

既而覺悟乃息

兵罷役封丞相為富人侯

封丞相車千秋為富人侯以明休息思富養人

故主

父偃曰夫務戰勝窮武事未有不悔者也夫以世宗神

武將帥良猛財富充實所拓廣遠猶有悔焉況今人財
並乏事勞昔時乎自匈奴遁逃鮮卑彊盛據其故地稱
兵十萬才力勁健意智益生加以關塞不嚴禁網多漏
精金良鐵皆為賊有漢人逋逃為之謀主兵利馬疾過
於匈奴昔段頗良將習兵善戰有事西羌猶十餘年今
育晏育夏育晏田晏才策未必過頗鮮卑種衆不弱于曩時而
虛計二載自許有成若禍結兵連豈得中休當復徵發
衆人轉運無已是為耗竭諸夏并力蠻夷夫邊垂之患

手足之蚘搔

蚘音介搔
新列反

中國之困胸背之癰疽

癰疽
燒反必方

今郡縣盜賊尚不能禁況此醜虜而可伏乎昔高祖忍

平城之恥呂后棄慢書之詬方之於今何者為甚天設

山河秦築長城漢起塞垣所以別內外異殊俗也苟無

感國內侮之患則可矣豈與蟲螳校寇

螳音以

計爭往來

哉雖或破之豈可殄盡而方今本朝為之盱食乎

盱晚也今

當作令

夫專勝者未必克挾疑者未必敗衆所謂危聖人

不任朝議有嫌明主不行也昔淮南王安諫伐越曰天

子之兵有征無戰言其莫敢校也

校報也

如使越人蒙死

以逆執事廝輿之卒有一不備而歸者雖得越王之首而猶為大漢羞之而欲以齊民易醜虜皇威辱外夷就如其言猶已危矣況乎得失不可量邪昔珠厓郡反孝元皇帝納賈捐之言而下詔曰珠厓背畔今議者或曰可討或曰棄之朕日夜惟思羞威不行則欲誅之通於時變復憂萬民夫萬民之饑與遠蠻之不討何者為大宗廟之祭凶年猶有不備况避不嫌之辱哉今關東大

困無以相贍又當動兵非但勞民而已其罷珠厓郡此

元帝所以發德音也夫恤民救急雖成郡列縣尚猶棄

之况障塞之外未嘗為民居者乎守邊之術李牧善其

略

李牧趙北邊良將
謹烽火邊無失亡

保塞之論嚴尤申其要

嚴尤諫王莽伐匈奴

遺業猶在文章具存循二子之策守先帝之規臣曰可
矣

司空文烈侯楊公碑

楊公名賜
字伯獻

漢有國師司空文烈侯楊公公惟司徒之孫 震 太尉公

言能舉其大者故
筆力超渾

臣熙曰東漢末年文氣漸靡此獨蒼勁高潔雖多引典謨成語而音節鏗然不同凡響

秉之脩子皇祖考以懿德胥及肆勤式建休勲啓洪範公祇服弘業克丕堂構小乃不敢不慎大亦不敢不戒用罔有擇言失行在於其躬洎在辟舉先志載言罔不攸該乃自宰臣以從王事立功不有用辭其祿逮作御史允執國憲納於侍中在帝左右爰董武事王師孔閑羣公以舊德碩儒道通術明宜建師保延入華光侍宴露寢敷典誥之精旨達聖王之聰獻帝以機密齊栗常伯據任鮮克知臧以釐其采命公再作少府俾率其屬

以熙庶績天地作險國家丕承軍門祛禁式遏寇虐命
公再作光祿亦總其熊羆之士不貳心之臣保乂帝家
巖巖大理惟制民命命公作廷尉惟刑之恤旁施四方
惟明折獄蔽罪于憲之中

按本傳賜拜尚書令數日出
為廷尉賜自以代非法家言

曰三后成功惟殷于民臯陶不與焉蓋各之
也遂固辭以特進就第公實未為廷尉也

亦惟三禮

六樂國之元幹命公作太常明德惟馨八音克諧神人
以和永世豐年溥天率土而衆莫外命公作司空公唯
戢之翌明其政時惟休哉惟天陰隲下民彝倫所由順

臣正治曰立言
原本尚書靈帝
詔策稱賜九德
純脩輔國以忠
非斯文不足以
傳之矣

序命公作司徒而敬敷五教以親百姓父義母慈兄友
弟恭子孝時惟休哉昭孝於辟雍命公作三老帝躬以
祇敬遵有虞於上庠茫茫大運垂光烈曜命公作太尉
璇璣運周七精循軌時惟休哉帝欲宣力于四方公則
翼之辟道或違公則弼之虔恭夙夜不敢荒寧用對揚
天子丕顯休命天子大簡其勲用授爵賜封侯于臨晉
功成化洽景命有傾帝乃震慟執書以泣命于左中郎
將郭儀作策賜公驃騎將軍臨晉侯印綬兼號特進諡

以文烈寵命畢備而後即世

賜薨天子素服三日不臨朝贈東園梓器祔服賜錢

三百萬緡五百疋策曰故司空臨晉侯賜華嶽所挺九德純備三葉宰相輔國以忠朕昔初載授道幃幄遂階成勲以陟大猷師範之切昭于內外庶官之務勞亦勤止七在卿校殊位特進五登衮職弭難又寧雖受茅土未答厥勲哲人其萎將誰諮度朕甚懼焉禮設殊等物有服章今使左中郎將郭儀持節追位特進贈司空驃騎將軍印綬及葬又使侍御史持節送喪蘭臺令史十人發羽林騎輕車介士前後部鼓吹又勅驃騎將軍官屬司空法駕送至舊塋公卿以下肆其孤彪敢儀古式會葬諡文烈侯及小祥又會焉

昭銘景烈銘曰天鑒有漢誕生元輔世作三事勲在王府乃及伊公克光前矩悉心畢力脩其祖武化洽羣生

澤霑區宇帝曰文烈朕嘉君功為邑河渭建茲土封申
備九錫以祚其庸位此特進于異羣公昔在申呂匡佐
周宣崧高作頌大雅揚言今我文烈帝載用熙參光日
月比功四時身歿名存永世慕思

郭有道碑文

先生諱泰字林宗太原界休人也

界休縣名

其先出自有周

王季之穆有號叔者實有懿德文王咨焉建國命氏或

謂之郭即其後也

號叔為文王卿士穆昭穆之穆也咨謀也天子建德因生以賜姓胙之土

藻腴流利已間晉
魏六朝之風然兩
京矩矱猶存也

而命之氏郭古文
號字林宗其後也

先生誕應天衷聰睿明哲孝友溫恭

仁篤慈惠夫其器量弘深姿度廣大浩浩焉汪汪焉奧

乎不可測已若乃砥節礪行直道正辭貞固足以幹事

隱括足以矯時

隱占也括度也矯正也言占
度事理足以矯正時俗之非

遂考覽六

經探綜圖緯周流華夏隨集帝學收文武之將墜拯微

言之未絕

圖河圖也緯六經及孝
經皆有緯帝學國學也

于時纓綈之徒紳珮

之士望彤表而影附聆嘉聲而響和者猶百川之歸巨

海鱗介之宗龜龍也

綈纓冠飾也紳大帶也凡帶必有
佩玉謂在朝及儒學諸生皆宗之

伯厚王應麟曰
蔡邕文今存九
十篇而墓銘居
其半曰碑曰銘
曰神誥曰哀譜
其實一也自云

為郭有道碑獨
無愧辭則其他
可知矣其頌胡
廣黃瓊幾於老
韓同傳若繼成
漢史豈有南董
之筆

臣鴻緒曰典贈
而工中郎謂平

也爾乃潛隱衡門收朋勤誨童蒙賴焉用祛其蔽州郡

聞德虛已備禮莫之能致羣公休之

休美之也

遂辟司徒掾

又舉有道皆以疾辭將蹈鴻涯之遐跡紹巢許之絕軌

鴻涯即洪崖仙也

巢許巢父許由也翔區外以舒翼超天衢以高峙稟命

不融享年四十有二以建寧二年正月乙亥卒

融厚也凡

我四方同好之人永懷哀悼靡所寘念

言念之不

乃相

與惟先生之德以謀不朽之事

惟思也不朽之事

僉以

為先民既沒而德音猶存者亦賴之於見述也今其如

生惟作郭有道
碑不愧宜其文
之卓犖乃爾

何而闕斯禮於是樹碑表墓昭銘景行俾芳烈奮于百
世令問顯於無窮其辭曰

於休先生明德通玄純懿淑靈受之自天崇壯幽浚如
山如淵禮樂是悅詩書是敦匪惟撫華乃尋厥根

撫拾也

宮牆重仞允得其門懿乎其純確乎其操洋洋搢紳言

觀其高

高叶音告

棲遲泌丘善誘能教赫赫三事幾行其招

謂司徒辟為掾也幾數也○招叶去聲

委辭召貢保此清妙

召貢謂公卿辟之而州郡

貢之也降年不永民斯悲悼爰勒茲銘摛其光曜嗟爾來

世是則是效

文範先生陳仲弓銘

邕有陳太丘碑文選所錄是也又有陳太丘廟碑銘

文範先生陳仲

弓銘今選一首

華而不縟故淵穆
之氣浩乎無涯

君諱寔字仲弓潁川許人也其先出自有虞氏中葉當
周之盛德有媯滿者武王配以太姬而封諸太昊之墟
是為陳胡公春秋之末失其爵土遂以國氏焉世篤懿
德令聞不顯君膺三靈之清和受明哲之上姿憑先民
之遐迹秉玄妙之淑行投足而襲其軌施舍而合其量

水心葉適曰陳寔以善下人為一世所伏而許劭以為太丘道廣廣則難周劭之言蓋未可輕非故為裁量者也昔顏淵願無伐善無施勞若寔隱身自約終不以世利為己益故可以蹈其

夫其仁愛溫柔足以孕育羣生廣大寬裕足以包覆無方剛毅強固足以威暴矯邪正身體化足以陶冶世心先生有此四德者故言斯可法行斯可樂動斯可象靜斯可效是以邦之子弟遐方後生莫不同情瞻仰由其模範從其趣尚戾狼斯和爭訟化讓雖嚴威猛政迫以刑戮未若先生潛導之速也其立朝事上也恭順貞厲含章直方無顯諫以彰直不割高而引長常幹州郡腹心之任義則進之以達道否則退之以光操然後德立

行堯舜之道必將有取焉今夫燭已不盡照物不哲而借寔之美以行於天下者未見其成德也

名宣蓋于當世辟司徒府納規陳謀匡弼三事人用昭

明台階允寧遷聞喜

縣名

長清風暢于所漸儉節溢於監

司郡政有錯爭之不從即解綬去復辟太尉府遷太丘

縣名

長民之治情斂慾反於端懿者猶草木之偃於翔風

百卉之挺於春陽也以所執不協所屬色斯舉矣不俟

終日辟大將軍府道之行廢有分於命乃罹密網以就

禁錮潛伏不試十有八年大忌蠲除

黨禁解也

舉賢良方正

大將軍司徒並辟君曰七十有懸車之禮况我過諸遂

不應其命容止法度老而彌壯凡所履行事類博審不
可勝數略舉首目具實錄記在乎其傳春秋八十有三
中平三年八月丙子卒大將軍三公使御屬往弔祠會
葬作誄謚曰文範先生刺史太守樹碑頌德許令以下
至於國人立廟舊邑四時蒸嘗歡哀承祀具如祖禰先
生存獲重稱亡歆血食行修於已得斯於人固上世之
所罕有前哲之所不過也孤嗣紀銜恤在疚敢錄言行
終始所守乃有三友生咨度禮則咸曰君化道神速

行於有國法施於民祀典所宗鄉人之祠非此遺孤所得專也昔者先生甚樂茲土築室講誨精靈所寧紀順奉雅意遂定兆域宜有銘勒表墳墓俾後生之歌詠德音者如丘封之存斯也乃作銘曰於熙文考天授弘造淵玄其深巍峩其高剛而無虐柔而不撓誕鋪模憲示世作教君之誨矣民胥效矣道行斯進廢乃斯止鮮我顯泰既多幽否含榮取辱涅而不緇德之休明賤不為恥超邈其猷莫與方軌

論詩之正變獨為
明審

鄭康成

北海高密人隱居著述稱為純儒
獻帝在許都徵為大司農道卒

詩譜序

以其列諸侯世及
詩之次故名譜

詩之興也諒不于上皇之世大庭軒轅逮于高辛其時
有亡載籍亦茂云焉虞書曰詩言志歌永言聲依永律
和聲然則詩之道放于此乎有夏承之篇章泯棄靡有
孑遺邇及商王不風不雅何者論功頌德所以將順其
美刺過譏失所以匡救其惡各于其黨則為法者彰顯
為戒者著明周自后稷播種百穀黎民阻饑茲時乃粒

永叔歐陽修曰
毛鄭於詩其學
亦以博矣蓋詩
述商周自生民
玄鳥上陳稷契
下迄陳靈公千
五方百歲之間
旁及列國君臣
世次國地山川
封域圖牒鳥獸
草木魚蟲之名
與其風俗善惡
方言訓故興衰
治亂美刺之方
無所不載予初
未見鄭譜未能

自傳于此名也陶唐之末中葉公劉亦世修其業以明
民共財至于太王王季克堪顧天文武之德光熙前緒
以集大命于厥身遂為天下父母使民有政有居其時
詩風有周南召南雅有鹿鳴文王之屬及成王周公致
太平制禮作樂而有頌聲興焉盛之至也本之繇此風
雅而來故皆錄之謂之詩之正經後王稍更陵遲懿王
始受譖亨齊哀公

亨同烹齊哀公政衰荒淫怠慢紀侯
譖之于周懿王使烹焉齊人變風始

作夷身失禮之後

周夷王元年天子始下堂
而見諸侯天子之失禮也邶不尊賢

徧通其言故嘗
略考春秋史記
本紀世家年表
為詩國十四篇
慶歷四年于絳
州得鄭譜而首
尾殘闕因取詩
圖以補鄭譜之
亡者庶幾以見
予於鄭氏之學
盡心焉耳已

臣士奇曰詩亡
然後春秋作詩
主美刺春秋主
褒譏總歸法戒

邶栢舟篇序云衛頃公之時仁人自是而下厲也幽也
不遇小人在側是為變風之始

政教尤衰周室大壞十月之交民勞板蕩勃爾俱作衆
國紛然刺怨相尋五霸之末上無天子下無方伯善者
誰賞惡者誰罰故孔子錄懿王夷王時詩訖于陳靈公
淫亂之事謂之變風變雅以為勤民恤功昭事上帝則
受頌聲弘福如彼若違而勿用則被刼殺大禍如此吉
凶之所繇憂娛之萌漸昭昭在斯足作後王之鑒于是
止矣夷厲已上歲數不明太史年表自共和始歷宣幽

二義康成詩譜

序事編年一用

春秋之例

義有根據語無泛設

平王而得春秋次第以立斯譜欲知源流清濁之所處
則循其上下而省之欲知風化芳臭氣澤之所及則傍
行而觀之此詩之大綱也舉一綱而萬目張解一卷而
衆篇明于力則鮮于思則寡其諸君子亦有樂於是與

孔融

字文舉魯國人孔子二十世孫建安中為少府忤曹操意構成其罪收下獄棄市

肉刑議

時論者多欲復肉刑融建此議朝廷善之卒不改焉

古者敦龐善否不別吏端刑清政無過失百姓有罪皆
自取之末世陵遲風化壞亂政撓其俗法害其人故曰

貴與馬端臨曰
是時肉刑之不
用已三百餘年
而卒欲復之誠
非篤論也

臣英曰肉刑除
於文帝而史遷

上失其道民散久矣而欲繩之以古刑投之以殘棄

殘其

支體而廢棄之

非所謂與時消息者也紂斲朝涉之脛天下謂

為無道夫九牧之地千八百君若各刑一人是下常有

千八百紂也求俗休和弗可得已且被刑之人慮不全

生志在思死類多趨惡莫復歸正夙沙亂齊

齊崔杼立莊公夙沙

衛奔高唐以叛

伊戾禍宋

伊戾誣宋太子為亂太子縊死

趙高英布為世大患

不能止人遂為非也適足絕人還為善耳雖忠如鬻權

信如卞和智如孫臏冤如巷伯才如史遷達如子政

劉向

猶下蠶室豈後
世尚問行之乎
宜融之惻然於
茲也

盛事佳文故自可
傳

字一離刀鋸沒世不齒是太甲之思庸穆公之霸秦南

睢之骨立衛武之初筵陳湯之都賴

陳湯矯制發兵斬
郅支單于於都賴

上魏尚之守邊無所復施也漢開改惡之路凡為此也

故明德之君遠度深惟棄短就長不苟革其政者也

告高密縣教

時鄭康成隱修經業杜門不出融
屣履造門告高密縣為康成特立

鄉一

昔齊置士鄉越有君子軍皆異賢之意也鄭君好學實
懷明德昔太史公廷尉吳公謁者僕射鄧公皆漢之名

臣又商山四皓有園公夏黃公潛光隱耀世如其高

加與

嘉同皆悉稱公然則公者仁德之正號不必三事大夫也

今鄭君鄉宜曰鄭公鄉昔東海于公僅有一節猶或戒鄉人侈其門閭矧乃鄭公之德而無駟牡之路可廣開門衢令容高車號為通德門

應幼

字仲遠汝南南頓人司隸校尉奉之子博覽多聞舉孝廉獻帝時詔拜袁紹軍謀校尉時

始遷都于許凡朝廷制度百官品式多幼所立

上漢儀疏

幼刪定律令為漢儀上之帝稱善

仿仲舒春秋決獄
之義刪定律令以
為漢儀是有關係
文字

夫國之大事莫尚載籍載籍也者決嫌疑明是非賞刑
之宜允獲厥中俾後之人永為監焉故膠東相董仲舒
老病致仕朝廷每有政議數遣廷尉張湯親至陋巷問
其得失於是作春秋決獄二百三十二事動以經對言
之詳矣逆臣董卓蕩覆王室典憲焚燎靡有子遺開辟
以來莫或茲酷今大駕東邁巡省許都拔出險難其命
維新臣累世受恩榮祚豐衍竊不自揆貪少云補輒撰
具律本章句尚書舊事廷尉板令決事比例司徒都目

五曹詔書

司徒即丞相也總領綱紀佐理萬機故有都目漢舊儀有常侍曹二千石曹戶曹主客曹

三公曹也

及春秋斷獄凡二百五十篇蠲去復重為之節文

復音複重定容反

又集駁議三十篇以類相從凡八十二事其

見漢書二十五漢記四

即東觀記

皆刪叙潤色以全本體其

二十六博採古今瓌瑋之事文章煥炳德義可觀其二十七臣所創造豈繁自謂必合道衷心焉憤邑聊以藉手昔鄭人以乾鼠為璞鬻之於周宋愚夫亦寶燕石緹縠十重夫覩之者掩口盧胡而笑斯文之俗無乃類旃

尹文子曰鄭人謂玉未琢者為璞周人遇鄭賈人曰欲買璞乎鄭賈曰欲之出璞視之乃鼠也今云鄭人以乾鼠為璞與此說不同闕子曰宋之愚人得燕石梧臺之東歸而藏之以為大寶周客聞而觀之主人父齊七日端冕之衣蒙之以特牲革匱十重緹巾十襲客見之俛而掩口盧胡而笑曰此燕石也與瓦甃不殊緹赤色繒也○繒音襲

左氏實云雖有姬姜絲麻不棄蕉萃

菅蒯蓋所以代匱也

左傳曰詩云雖有絲麻無棄菅蒯雖有姬姜無棄蕉萃凡百君子莫

不代匱姬姜大國之女蕉萃陋賤之人蕉萃憔悴同

是用敢露頑才廁于明哲之

末雖未足綱紀國體宣洽時雍庶幾觀察增聞聖聽唯

因萬機之餘暇游意省覽焉

陳琳

字孔璋
廣陵人

為袁紹檄豫州

琳避難冀州袁紹使典文章作此檄以告劉備言曹操失德不

堪依附宜歸紹也後紹敗琳歸曹操操曰昔為本初移書但可罪狀孤而已何乃上及父祖耶琳謝罪曰矢在弦上不得不發操愛其才宥之

左將軍領豫州刺史郡國相守

備歸陶謙謙表備為豫州刺史後歸曹操操表

為左將軍國相謂為侯王相國也

蓋聞明主圖危以制變忠臣慮難以

立權是以有非常之人然後有非常之事有非常之事

然後立非常之功夫非常者固非常人所擬也曩者彊

筆嚴霜雪氣激風
寬不倖以辭衆見
長

秦弱主趙高執柄專制朝權威福由已時人迫脅莫敢

正言終有望夷之敗祖宗焚滅汙辱至今永為世鑒及

臻呂后季年產祿專政內兼二軍外統梁趙擅斷萬機

決事省禁下陵上替海內寒心于是絳侯朱虛興兵奮

怒誅夷逆暴尊立太宗故能王道興隆光明顯融此則

大臣立權之明表也司空曹操祖父中常侍騰與左悺

徐璜並作妖孽饕餮放橫傷化虐民

饕餮貪也

父嵩乞匄携

養因賊假位與金輦璧輸貨權門

操父嵩本夏侯氏之子騰乞養之賊賄賂

也言嵩以車載賄實輸勢門而官至太尉竊盜鼎司傾覆重器操贊閹遺醜

本無懿德

贊喻嵩也閹謂騰也言操如鋒之利

操如鋒之利標狡鋒俠

言操任俠

也好亂樂禍幕府董統鷹揚掃除凶逆

幕府謂紹也董督也

續遇

董卓侵官暴國

侵官謂冒官也暴國謂遷獻帝于西京也

於是提劍揮鼓發

命東夏收羅英雄棄瑕取用

紹奔冀州卓拜紹渤海太守因舉渤海之衆以攻卓

東夏渤海也

故遂與操同諮合謀授以裨師謂其鷹犬之才

爪牙可任

裨師偏師也紹表操為兗州刺史授以偏師與同議合謀欲匡復漢室也

至乃愚

佻短略輕進易退

佻輕也

傷夷折劬數喪師徒

劬縮也

幕府

輒復分兵命銳修完補輯表行東郡領兗州刺史

操數敗喪

師而紹專以精兵修輯之又表操領東郡

被以虎文獎蹠威柄

言操實羊質而被虎文者

乃紹獎成其威福蹠成也○蹠子六反

冀獲秦師一尅之報而操遂承資

跋扈肆行凶忒

秦將孟明數敗穆公不罪遂得敗晉報秦故云一尅之報言操數敗我不以為

罪者亦冀操孟明之報也跋扈謂掘強也

割剥元元殘賢害善故九江太守

邊讓英才俊偉天下知名直言正色論不阿諂身首被

梟懸之誅妻孥受灰滅之咎

操為兗州邊讓言頗侵操操殺讓而族其家故云灰

滅

自是士林憤痛民怨彌重一夫奮臂舉州同聲故躬

破於徐方地奪於呂布彷徨東裔蹈據無所

操為徐州刺史為陶

謙所破又與呂布戰于濮陽為布所敗蹈據無所言無所依也

幕府惟彊幹弱枝之義

且不登叛人之黨

幹喻君也枝喻諸侯也叛人謂呂布也

故復援旌擐甲

席卷起征金鼓響振布衆奔沮

擐貫也言紹聞操敗引軍擊布破之○操胡慢

切拯其死亡之患復其方伯之位則幕府無德於兗土

之民而有天造於操也

操為布所破投紹紹哀之乃給兵五千人還取兗州

後會

鑾駕反旆羣虜寇攻

時楊奉韓暹以天子還洛陽也

時冀州方有北鄙

之警匪遑離局

時公孫瓚出軍屯槃阿遂舉兵攻紹紹時為冀州刺史人衆悉叛瓚大破紹軍

臣乾學曰首言其賊害忠良張布機穿用以動朝臣之心興志士之憤此一篇之警策至爲專擅脅遠園逼諸罪狀可謂董狐復出宜奸雄見之而心折也

局部分也故使從事中郎徐勣就發遣操使繕修郊廟翊衛

幼主操便放志專行脅遷當御省禁

幼主謂獻帝也脅劫也當御駕馭也

卑侮王室敗法亂紀坐領三臺專制朝政

尚書為中臺御史為憲臺

謁者為外臺

爵賞由心刑戮在口所愛光五宗所惡滅三族

羣談者受顯誅腹議者蒙隱戮百寮鉗口道路以目尚

書記期會公卿充員品而已

言公卿不敢論時政但具員品

故太尉楊

彪典歷二司享國極位操因緣眦睚被以非罪榜楚參

并五毒備至觸情任忒不顧憲綱

彪為司空司徒故云歷二司也時袁術作

臣士奇曰紹悔
不用沮授之計
使操先迎天子
都許校以號令
天下故盛言其
跋扈所謂失在
弦工不得不發
琳始為袁檄曹
後為曹檄孫殆
亦文詞之雄耳

亂操託彪與術婚姻誣以欲圖廢置奏下獄劾以大逆
眦睚瞋目貌楚檟也榜笞也參并謂兼也五毒謂五刑
也忒惡也言隨其情之所發又議郎趙彥忠諫直言義
以肆其毒而不顧法律也

有可納是以聖朝含聽改容加飾操欲迷奪時明杜絕

言路擅收立殺不俟報聞又梁孝王先帝母昆

母昆謂同母昆

弟也墳陵尊顯桑梓松栢猶宜肅恭而操帥將吏士親臨

發掘破棺裸尸掠取金寶至令聖朝流涕士民傷懷言

瑩

樹猶合恭敬况使吏士發掘乎操又特置發丘中郎將摸金校尉所過

隳突無骸不露身處三公之位而行桀虜之態汙國虐

民毒施人鬼加其細政慘苛科防互設罾繳充蹊坑穽
塞路舉手挂網羅動足觸機陷是以充豫有無聊之民
帝都有吁嗟之怨歷觀載籍無道之臣貪殘酷烈於操

為甚幕府方詰外姦未及整訓加緒含容冀可彌縫而

操豺狼野心潛包禍謀

言紹加意容操冀可彌縫其過使自改而終不悛也

乃欲

摧撓棟梁孤弱漢室除滅忠正專為梟雄

棟梁喻大臣也謂楊彪忠

正謂趙彥輩

往者伐鼓北征公孫瓚

謂紹征瓚時也

彊寇桀逆拒圍

一年操因其未破陰交書命外助王師內相掩襲故引

臣杜訥曰聲罪
致討之詞備極
條暢彌覺謹嚴

兵造河方舟北濟會其行人發露瓚亦臬夷

彊寇謂瓚也言瓚桀

逆拒紹操暗與瓚書行人使人也謂操使自發露也

故使鋒芒挫縮厥圖不果爾

乃大軍過蕩西山屠各左校皆束手奉質爭為前登夫

羊殘醜消淪山谷

大軍紹自謂也蕩洗滌也西山鹿腸山也紹入朝歌自鹿腸山斬賊于毒

等滅之又擊左校郭大賢及西營屠各屠各匈奴種也

於是操師震懼晨夜逋遁

屯據教倉阻河為固欲以螳螂之斧禦隆車之隧

莊子蓬伯

玉謂顏闔曰汝不知夫螳螂乎怒其臂以當車轍不知其不勝任也螳螂前有兩足舉之如執斧之象故云斧隆車雷車也雷為豐隆故云隆車隧猶轍也喻操之拒紹也

幕府奉漢威靈折衝宇

宙長戟百萬胡騎千羣奮中黃育獲之士騁良弓勁弩

之勢

中黃伯夏育鳥獲皆古之力士

并州越太行青州涉濟漯大軍泛

黃河而角其前荊州下宛葉而掎其後

劉表為荊州刺史與紹相結宛

葉二縣名

雷震虎步並集虜庭

虜庭謂操之庭

若舉炎火以熇飛蓬

覆滄海以沃燹炭有何不滅者哉

熇燒也沃灌也燹火飛也

又操軍

吏士其可戰者皆出自幽冀或故營部曲咸怨曠思歸

流涕北顧其餘充豫之民及呂布張揚之遺衆覆亡迫

脅權時苟從各被創夷人為讐敵若迴旆方徂登高岡

而擊鼓吹揚素揮以啟降路必土崩瓦解不俟血刃方
今漢室凌遲綱維弛絕聖朝無一介之輔股肱無折衝
之勢方畿之內簡鍊之臣皆垂頭塌翼莫所憑恃雖有
忠義之佐脅于暴虐之臣焉能展其節又操持部曲精
兵七百圍守宮闕外託宿衛內實拘執懼其篡逆之萌
因斯而作此乃忠臣肝腦塗地之秋烈士立功之會可
不勗哉操又矯命稱制遣使發兵恐邊遠州郡過聽給
與強寇弱主違衆旅叛

違衆人而
助叛逆也

舉以喪名為天下笑

則明哲不取也即日幽并青冀四州並進書到荊州便

勒見兵與建忠將軍協同聲勢

張繡以軍功遷建忠將軍屯宛與劉表合州

郡各整戎馬羅落境界

羅落布列也

舉師揚威並匡社稷則

非常之功於是乎著其得操首者封五千戶侯賞錢五

千萬部曲偏裨將校諸吏降者勿有所問廣宣恩信班

揚符賞布告天下咸使知聖朝有拘偪之難如律令

如律

令謂當
遵行也

為袁紹與公孫瓚書

紹與瓚相攻瓚軍數敗乃走還易京固守欲以弊紹

立格修整遺言古
茂當從呂相絕秦
書得來

紹遣將攻之連年
不能拔故與書

孤與足下既有前盟舊要申之以討亂之誓愛過夷叔

伯夷叔齊言
如兄弟也

分著丹青謂為旅力同仇足踵齊晉

紹攻韓馥

于冀州以書要瓚引
兵助之紹得冀州

故解印釋紱以北帶南

初平二年瓚以從弟

越故引兵攻紹紹懼以所佩渤海太守印綬授瓚從弟
範遣之郡此事在後紹特挈于前以見已之理直渤海

在幽
州南

分割膏腴以奉執事此非孤赤情之明驗邪豈寤

足下棄烈士之高義尋禍亡之險蹤輟而改慮以好易

怨盜遣士馬犯暴豫州

瓚與劉虞有隙而虞子和在袁術所瓚遣從弟越將千騎詣術

臣廷敬曰權彼
已之情較曲直

之數可謂辯矣
但瓚之罪首在
劉虞一事書中
何無一言指斥
宜紹與瓚不臣
之心則一琳故
有所避而不之
及耶

陰令執和而袁紹又與術離貳時術以孫堅為豫州刺史紹更以周昂為豫州刺史襲奪堅陽城術遣越助堅攻昂此所謂犯暴豫州也始聞甲卒在南親臨戰陣懼以飛矢迸流

狂刃橫集以重足下之禍徒增孤子之咎釁也故為薦

書懇惻冀可改悔

越為袁術所遣本不關瓚
紹蓋知之故遺書訊瓚

而足下超

然自逸矜其威詐謂天罔可吞豪傑可滅果令貴弟殞

於鋒刃之端

越攻昂為流矢所中而死

斯言猶在於耳而足下曾不

尋討禍源克心罪已苟欲逞其無疆之怒不顧逆順之

津匿怨害民騁於余躬遂躍馬控弦處我泚上

越死瓚怒曰余

弟死禍起於紹遂出屯兵磐河進攻冀州泚水為冀州所屬地

毒徧生民辜延白骨孤

辭不獲已以發界橋之役

紹自出拒璦與璦戰于界橋南

是時足下兵

氣霆震駿馬電發僕師徒肇合機械不嚴强弱殊科衆

寡異倫假天之助小戰大克遂陵躡奔北因壘飽穀

璦兵

三萬紹令麴義領精兵八百承之璦軍大敗

此非天威裴諶福豐有禮之符

表乎足下志猶未厭乃復糾合餘燼率我蚩賊以焚燕

渤海孤又不獲寧用及龍河之師羸兵前誘大軍未濟

而足下膽破衆散不鼓而敗兵衆擾亂君臣並奔此又

足下之為非孤之咎也

瓚復遣兵擊紹至龍湊擊破之龍河即龍湊也

自此以

後禍隙彌深孤之師旅不勝其忿遂至積尸為京頭顱

滿野愍彼無辜未嘗不慨然失涕也

紹與瓚所置青州刺史田楷連戰二

年士卒疲困

後比得足下書辭義婉約有改往修來之言僕

既欣於舊好克復且愍兆民之不寧每輒引師南駕以

順簡書

紹以子譚為青州刺史楷與戰不勝瓚後與紹和親各引兵去

弗盈一時而北

邊羽檄之文未嘗不至孤是用痛心疾首靡所錯情夫

處三軍之帥當列將之任宜令怒如嚴霜喜如時雨臧

否好惡坦然可觀而足下二三其德強弱異謀急則曲

躬緩則放逸行無定端言無質要為壯士者固若此乎

既乃殘殺老弱幽土憤怒衆叛親離孑然無黨又烏桓

濊貊皆足下同州僕與之殊俗各奮迅激怒爭為鋒銳

又東西鮮卑舉踵來附此非孤德所能招乃足下驅而

致之也

始劉虞在幽州能以恩信結烏桓鮮卑瓚攻殺
虞據幽州興平二年虞從事漁陽鮮于輔等起

兵報仇迎虞子和與紹將麴義
共攻瓚破之鮑丘瓚徙鎮易京

夫當荒危之世處干戈

之險內違同盟之誓外失戎狄之心兵興州壤禍發蕭

牆將以定霸不亦難乎前以西山陸梁出兵平討會麴
義餘殘畏誅逃命故遂住大軍分兵撲蕩此兵孤之前
行乃界橋舉旗拔壘先登制敵者也始聞足下鑄金紆
紫命以元帥謂當因茲奮發以報孟明之恥是故戰夫
引領竦望旌旆怪遂舍光匿影寂爾無聞卒臻屠滅相
為惜之夫有平天下之志希長世之功權御師徒帶養
戎馬叛者無討服者不收威懷並喪何以立名今舊京
克復天罔云補罪人斯亡忠幹翼化華夏儼然望於穆

之作將戢干戈放散牛馬足下獨何守區區之土保軍
內之廣甘惡名以速朽亡令德之久長壯而籌之非良
策也宜釋憾除嫌敦我舊好若斯言之玷皇天是聞

璣不

答建安四年紹悉軍圍之璣遣人與子書刻期兵至舉
火為應紹侯者得其書如期舉火設伏擊大破之璣乃
自殺

臧洪

字子源廣
陵射陽人

報陳琳書

洪初為廣陵太守張超功曹甚見愛
信超遣洪詣劉虞道絕因寓于袁紹

紹以為青州刺史徙東郡太守曹操圍超于
雍丘洪聞之勒兵請紹救超紹不許超遂破

滅洪怨紹絕不與通紹興兵圍之不下使洪
邑人陳琳與洪書喻以禍福洪答書城陷見

執不屈
紹殺之

深情溢於簡牘故
音節琅然

隔濶相思發于寤寐相去步武而趨舍異規其為愴恨
胡可勝言前日不遺比辱雅況

比頻也

述叙禍福公私切

至以子之才窮該典籍豈將闇于大道不達余趣哉是
以捐棄翰墨一無所酬亦冀遙忖褊心初識鄙性重獲
來命援引紛紜雖欲無對而義篤其言僕小人也本乏
志用中因行役特蒙傾蓋

家語孔子之郊與程子
相遇于塗傾蓋而語

恩深

龜山楊時曰藏
洪初為張超功
曹後遇袁紹以
為青州刺史二
人之遇洪其義
均矣而洪之報
二人何其異哉
方曹操圍超於
雍丘也洪欲赴
難而請兵於紹

分厚遂竊大州寧樂今日自還接刃乎每登城臨兵觀

主人之旗鼓

洪常寓于紹故謂之主人也

瞻望帳幄感故友之周旋

撫弦搦矢

搦捉也女卓反

不覺涕流之覆面也何者自以輔佐

主人無以為悔主人相接過絕等倫

或曰悔當作益

受任之初

志同大事掃清寇逆共尊王室豈悟本州被侵郡將構

虜請師見拒辭行被拘使洪故君遂至淪滅區區微節

無所獲申豈得復全交友之道重虧忠孝之名乎所以

忍悲揮戈收淚告絕若使主人少垂古人忠恕之情來

袁曹方睦而紹之興起素無一日之歡則雍丘之圍非切於已欲其背好用師以濟不切之難則紹之不聽未為過而洪之絕紹無乃不諒彼已與其不屈而死也過矣

者側席去者克已

來者側席而待之去者克已自責不責人也

則僕抗季札

之志不為今日之戰矣

吳王餘昧卒欲授弟季札季札逃去

昔張景明登

壇唾血奉辭奔走卒使韓牧讓印主人得地後但以拜

章朝主賜爵獲傳之故不蒙觀過之貸而受夷滅之禍

袁紹使張景明郭公則高元才等說韓馥使讓冀州與紹

呂奉先討卓來奔請兵不

獲告去何罪復見斫刺

呂布傳曰布破張燕軍而求益兵衆將士鈔掠紹患忌之布覺

其意從紹求去

劉子璜奉使踰時辭不獲命畏君懷親以詐求

歸可謂有志忠孝無損霸道亦復僵尸麾下不蒙虧

除幕進者蒙榮違意者被戮此乃主人之利非遊士之

願也是以鑒戒前人守死窮城亦以君子之違不適敵

國故也

左傳云君子違不適仇國違奔亡也

足下當見久圍不解救兵未

至感婚姻之義推平生之好以為屈節而苟生勝守義

而傾覆也昔晏嬰不降志于白刃南史不曲筆以求存

崔杼殺齊莊公欲劫晏子與盟以執拘其頸劍承其心

晏子曰

劫吾以刃而失其意非勇也

崔杼遂釋之太史

書曰崔杼殺其君崔子殺之其弟嗣書而死者二人其

弟又書

乃舍之南史氏聞太史盡殺執簡而往聞既書

矣于是

乃還也故身篆圖象名垂後世况僕據金城之固驅士

人之力散三年之畜以為一年之資匡困補乏以悅天

下何圖築室反耕哉

左傳楚子圍宋築室反耕言築室于宋反兵耕田示無還慮也

但

懼秋風揚塵伯珪馬首南向

伯珪公孫瓚字

張揚飛燕旅力作

難

張揚雲中人何進令于本州募兵得千餘人因留上黨擊山賊進敗揚遂攻上黨仍略諸縣衆至數千與

袁紹合張燕常山人聚少年為羣盜衆萬人燕慄悍捷速軍中號為飛燕後助公孫瓚與紹爭冀州北鄙

將告倒懸之急股肱奏乞歸之記耳

股肱猶手足也言北邊有倉卒之急

股肱之臣將告歸自救耳

主人當鑒戒曹輩反旌退師何宜久辱盛

怒暴威于吾城之下哉足下譏吾恃黑山以為救獨不

念黃巾之合從耶昔高祖取彭越于鉅野

彭越將其衆居鉅野中無

所屬漢王乃使人賜越將軍印使下濟陰以擊楚也

光武創基兆于綠林卒能龍

飛受命中興帝業苟可輔主興化夫何嫌哉况僕親奉

璽書與之從事行矣孔璋足下微利于境外臧洪投命

于君親吾子託身于盟主

盟主謂袁紹也

臧洪策名于長安子

謂余身死而名滅僕亦笑子生死而無聞焉本同末離


努力努力夫復何言

按西京承戰國先秦之後故其文雄隋多奇朝賈諸疏是也承平既

久士氣蕭弱見之於文章者為嘽緩曼衍而不振東漢因之文體日趨駢儷已濫觴晉魏六朝豈風氣使然有

不能過者乎昔司馬遷文尚奇氣故公孫弘董仲舒傳
不錄其對策而班固收之東漢之書成於范蔚宗其所
援述時人書疏多更刪潤三書者遂各成一代之文則
自班蔡諸家而外名為東漢已是晉宋人手筆矣然以
光武愛好經術數引公卿郎將講論經理明帝臨雍拜
老親御講堂章帝大會諸儒稱制論決由在上之振勵
其時耆名高義編牒不下萬人不蔡盛哉嘗謂東漢人
矜名節談仁義師弟傳經期足明理而已與夫西漢大
師相授受為發策決科取青紫者不侔也至魁壘者碩
正色立朝封事屢上讀之有使人歛衽衆涕不已者其
為益於名教甚矣豈異時杜欽谷永輩淺儒所可望哉
而郭泰黃憲徐穉之倫文辭不概見其所存更有出於
辭章訓故之外者此
又論世而知之者也

御選古文淵鑒卷二十



總校官庶吉士

臣

張能照

校對官助教

臣

胡予襄

謄錄舉人

臣

吳之承